

永樂大典

卷一萬四千四十
六

永樂大典

卷一四〇四六

永樂大典卷之一萬四千四十六

四霽

祭 祭文四

報使揚誠齋齊敬奉王拒使讓仲文 嗚呼淳熙作噩我守荆溪公職歷
 水一見吳知厥後八載公為小宰我人即署利日相待自此投分以濟傳
 膠頤我莫取奉公定交厥在滸澤我以慈出公尹豫章館我勤郵未歲之
 冬我長道山公持鈞樞再見解頤我既子立公亦孤峙寒栢獨巢存存
 耐真後一年我使江東公歸淮項尊酒再同夜闌秉燭追歡不足一揖而
 別自月轉較誰謂此別遂千其秋忽聞公薨我淚滂流孝宗季未不父八
 極遠伴玉觀近踵慶曆儀泉賢金海玉淵孰為之宗未或公先有諤其
 議有救其已伯夷之清吏魚之直作帝耳目作帝股肱上所深知下所深
 惜帝有合宮公其梁棟帝有靈囿公其麟鳳晚對霞外風吹月嗒手折若
 木深纏成池身潛名起人望靡已盍邱乎未東我明世赴告驛聞善人失
 聲玉折蘭摧萬憤成傾嗟我老矣沈痾垂死云胡不天又哭知已千里命
 駕已賈此期一束生芻弗躬致之滴淚清墨以寫哀夢一箇行李摯諸靈

永樂大典卷一萬四千四十六

一

矣嗚呼哀哉尚饗周益公大全集祭王讓仲拒使文去本四子惟公儲慶
 華宗炳靈淮端德行文學游夏淵濶自儀周行氣節凜然被遇孝宗它人
 莫有出宰入臺持法甚堅及欲用公獨趨拘繫上所倚信或尸要權公一
 糾之憤然捨梅軍臣進擬上或遲延公一薦之隨以起遷言聽計從易若
 轉圜進鈞樞持化既龍去嘉湖公居艸連晚歸故鄉導引節宣謂當
 期願胡不永年聖皇震悼異數挂賢我昔同朝心親貌度江淮相望音驛
 聞傳孰云計未遂訣終天遂寄真觴泣涕漣漣
 兩府宋唐仲友記齊某代張丞相祭劉兩府文 嗚呼古有名將如公近
 之天方滅胡奪公何為公生山西雄傑傑出文武無備忠誠獨立干戈衛
 社險夷三祀公爾忘私辛勤以死虜昔亂華萬億犬羊發憤震擊百鳥一
 當醜類兼熾國威遂振膽落兇酋謂吾有人投聞彌厲作鎮惟良授職淮
 左軍聲用張狂胡大入出師以律與疾格行推鋒制敵偏將連令虜張莫
 推封豕在前長蛇後來人為寒心公方勇聞乘勝而旋江津是守病既有
 加吾休于都謂宜勿樂收之桑榆天道難知忽焉川逝有識痛心凡民陷
 涕勾奴未滅家靡餘財結草圖報道言可哀岬嶼隆厚國恩始終用而不
 早恨亦何窮靈車遙邁丹旒有翩致奠水濱泗波潄然

密學宋強祠部集代祭張密學文。嗚呼厥有木馬材堪棟梁而他室是
 用不克構乎明堂與夫賢人器已經綸而官止近侍不及乘乎大鈞可同
 悲而共幸慮明堂之不構宜木之隨實樞材之弗偶大鈞之不乘豈賢之
 病寔有生之弗慶惟公業履純正材謀偉奇羅司哀章陰定與公期宜而
 弗為其命也歟使惟務務姻婭是託注想西風錯味酒薄聊一薦於由衷
 慨哲人之不作尚饗張方平樂全集祭張密學文 維皇祐四年歲次壬
 辰八月於西朔四日丙子具官某謹以清酌果羞之奠致祭于故京東西
 路安撫使兼京直學士給事中張公之靈在坤六二臣道之美日直方大
 維德之體公任初張實勤素履肅以直內有助如矢義以方外其平如砥
 守長郡邑忠恕操操承介臺有清規遠惠陟降侍從周密在屬幹輸輒進
 總戎在鄙寬國之憂急民之事知無不為于公之利聞無不革于政之弊
 惟日不足竭精盡瘁竟虧冲尚以遺瘥洽靡究志用遠淪智氣比者桂林
 霄踵風軌帳執津節徽旨存耳添師汶上訊騰接置晤言未諧素車修至
 直杖在廬阻從弔位慘怛盈哀寄茲一酌尚饗司馬品公傳家集祭張密
 學文 惟公幼而孝長而謹以文學從任以勳力當官入侍禁嚴舉處臺
 省出數惠化周流藩宣將漕則蓄積費行監邊則民夷懷服慮無微不至

宋樂大典卷一萬四千四十六

臻職無頌而不舉朝倚器幹時推精力壽考而終福祿流厚今茲自宋遷
 周捨早就燥卜宅得吉祖載及期光等早側賓客之未晚陪嗣子之造式
 陳醑羞用薦素尚饗 代王懿臣祭秦帥恭密學文 惟靈德涵平
 淳學貫根柢頌儒館涉降文陞在昔與廟粵遇滯却龍飛九天首被樂
 禮乃處禁掖書詔有體乃直樞府出神龍珉行有前轟居有列原奉鹿蕭
 關相望兄弟兵威陣形破竹聚米朝夕大用物論所俟如何彼蒼不相
 憐笑語猶在手足已啓爾民爾兵一聲萬洋板柁東返兩木煙流天哀以
 詞爰薦肴醴尚享

御史大夫兼漢孤及四使集祭揚州韋大夫文 年月日朝散大夫檢校
 尚書司封郎中兼舒州刺史充本州團練守捉使賜紫金魚袋獨孤及謹
 以嘉蔬柔毛之奠致祭于故揚州大都督府長史兼御史大夫淮南道節
 度觀察處置使韋公之靈王命九伯底綏四方惟公刻符作藩于揚往歲
 斯民匪迪匪康自公戾止視之如傷飾吏以儒出言有章革剝頓苛載戰
 暴強將吏奉君君綱在綱罔或作威以素典常民斯輯睦政亦允蒞和氣
 被物豐年降祥天之輔仁公宜熾昌奈何不淑景命遽央百城悼心萬民
 何望及忝列城備守封壤獲宥罪戾庇身餘光德宇所覆今也則亡偏思

道愛追蹈餘芳，仰典懷望慕悽涼。拘限所職路阻，且長遠行下情。青酒一騰
中丞人少，與半符載，為杜相公祭崔中丞文。嗚呼！子有四教文行忠信
雖公佩服終身，不磷惠德敦厚溫恭，敦慎趨善如流，唯賢是進，公方可與
利用無狀，歸驥絕塵，青萍淨刃，累參戎府九牧，大郡教化，評謀作程，垂訓
不躋高位，了此巨業，茫茫上天，職我賢雋，嗚呼！佑自弱齡，實奉周旋，朝終
出處四十餘年，昔佐此府，周行接聯，佑奉未介，公總中樞，朝整全隸，夕同
時送揮動，戰箠沉吟，風煙對博，十場春日，秋天氣振，耳熱勝負，爭前今也
冥冥青容，遊然沈思，永痛涕泣，纏綿嗚呼！世且多故，權定茲地，苟安其宅
宜靈之意，悠悠厥疾，浩浩官吏，無因執紳，遠送幽壙，天寒景淑，雲愁鳳思
傾一危，以寫哀誠，廂百年之永矣。為劉尚書祭張中丞文二首。維年
月日，祭于某官之靈，惟靈和粹在躬，行方而通，滿洒置塵之外，剛用禮樂
之中，與物大信，推之重公，落落賢人之慶，恢恢長者之風，學有餘力，備攻
泉鑿壞壁，文章龍蛇，草莽江湖之地，東西無際，獨有高名，聞乎早歲，赫赫
太師先鎮，北川大啓，幕府盡心，招延運籌，帷幄之內，折衝鱗祖之前，鬱然
時論，謂蜀得時，某也不才，接武隨肩，絢茂三益，周旋十年，或朝遊古寺，或
夜接華筵，歡呼賦筆，端傲風煙，柳理無狀，忽鍾沉疾，願侶無悖，懷仁若夫

永樂大典卷一萬四千四十六

三

陰深府舍，寒落煙日，辨道義，不問於同心，而語咲，每平乎，從席何士林之
凋瘵，碎金相與，玉質某，以愧劣，詠司戎律，方屬理兵，未達造室，春言襟契
何啻，勝漆一函，有平百，於戰戰，舊鄉遐迹，素惟蕭瑟，望精爽，以中衷，誠不
知涕淚之所出。又。惟靈晚四科之要，推六藝之先，襟懷灑散，文翰馳
副，寄情琴酒，長嘯風煙，有名當世，三十餘年，誠謂羽冀，中朝潤色，王度，刑
鸞，彩鳳，翅翼，雲路，注萍，江海，蹉跎，晚暮，道乃克，華疾成，沈痾，崇巖，絕，某作
松摧柱，露衣，茲下，某未寐，不寤，某頃，同舍，周旋，後塵，肺腸，見許，筆硯
相親，顧以，再虛，母慕，仁人，實冀，鄙志，於茲，大中，崇何，昭時，奄落，窮處，永懷
道義，臨風，酸辛，盡甚，柳車，白日，青春，鄉關，樹老，岷蜀，柴薪，或事，見釋，執紼
無因，具殫，費以，巧意，聊寄，快於，江有，張守，毗陵，某祭，辛中丞文。嗚呼！猛
獸在山，惠及，藜藿，朝廷，重輕，實得，臺閣，表表，奉公，勤節，清操，女副，臺端，以
直去，朝晚，從祠，館拂，水高，蹈屢，詔不，回望，實彌，即天子，注想，起公，而床，念
時多，悲，然未，翔崇，謙，談議，羊古，道直，信道，而行，不詭，不激，吾皇，從善，疾
如，轉圜，虛懷，聽納，公亦，盡言，權長，御史，謂即，大用，被病，乞身，眷禮，彌重，臨
漳，使郡，延閣，清班，楚煩，財治，跋跂，言旋，既歸，里門，告老，稱為，耆野，長夜，百
身，何賄，是晚，守公，鄉始，獲從，公聚，散忘，致露，電一空，觴酒，寓京，俯以，斐詞

永樂大典

卷一四〇四六

公亦無憾惟特之悲嗚呼哀哉尚享九朝祇道紫山集卷五中丞于勉文
我年十七君冠而婚君來自東嶽我先人命我以先事君我於是時總
角未中雖曰為學固有見聞觀君落筆端水飛雲觀君立言天葩奇芬從
君切磋理始分從君琢磨精粗有倫如醉如醒如夜而晨日往月來越
十冬春泰玉開府招賢禮賓明年渡江智勇獲伸君以才學拜首綸恩中
統龍飛官制一新勳德譽望立朝名臣揚歷中外應瑞昌辰官三十年雍
雍中中優遊者舊詔掌綸豈其一疾絕筆復麟四海知君莫如我真羣
賢愛君莫如我親百祀不較量海無垠萬事無心性天安仁不加不損貴
富賤貧與君交游如酒飲醇將期暮年林下水濱一觴一詠不厭煩煩談
天人學精美入神勸萬物受闢人易門官不虛立聖經其輪行無妄動高
風絕壘嗚呼天子奪我銘鈞斷地呼天哀怨終身英靈在天聽我斯文元
許有上至正集琴珊竹居仁中丞文 惟公生於貴冑稟有淑質濟以華
學中以定力水粹豪習身心鄒魯沈容道義周旋規矩孝能養志忠則致
身一代故卜如公其人持書南臺恩亦冠冕身辱知之深實異儕輩本司准
曹重任為勝公慰而教子將有稱焉免瘵曠後必起秩喜見顏色謂言不
食撞撞于我路寔過門公不憚煩禮意益敦江端送迎風雨飛粒一堂傾

木樂大典卷一萬四千四十六

四

倒百壺首送繼開執法表勵而紀將期德政善善均彼蒼者天良殲哲
美易名隱卒是尚不施扁舟此未念昔送迎茫茫公迹踽踽予行豈無公
青廉飽南群顯印去璋夢或暫待祭酒幾何爰假澄心公乎格思監此哀
忱玉輝秋蘭集中丞王公於文 至元二十六年歲在己丑二月辛亥朔
越八日戊午友生玉輝謹以清酌之奠報告于正議大夫中丞王兄之靈
嗚呼朋友之重義列天倫切切惻惻嗚呼非弟昆惟君顧我而我宗君以志
則一以公則親如漆斯固如蘭斯馨而敬而愛又而益新爰自垂露以及
於冠授業蘇門各伸志願智愚雖殊道則一貫君秉淵塞浩無涯岸就略
辭華好謀能斷奇論士心刑醉萬變如匪中立鮮不某亂此于少君餘何
足算或時念君大器已見孰我鄙薄教我愚謬治任將歸而予獨春繼公
使符有某無缺在昔相度有君昌黎辟佐戎幕大為已知及論國計莫之
與規裴非少韓有崖其間德足就事材為實難務務忠武曰伊曰呂桃李
盈門多士如兩同升諸公曰傑是與初拜中舍謂輕所處長屋六曹是為
之所自後揚揚人知所主曰史曰張曰姚曰許爰口為揄喘喘感者望君
廟堂致主先為其絃綸國業固足以見君之器宇彼或無知美我齟齬誰
海歸來近在心小角中私第日事墳討周防有餘蛇虺結繳讓火燒城甚

永樂大典

卷一四〇四六

於原璋伊鬱積中不無熱惱嘗切論于憂世心憤觀聞何多受侮不少每見慰寬外物一掃積量冲融致養強矯死非所憚此何足擾如金在鑪百鍊不挽白首窮途亦足枯槁留使若謀為世儀表此天下之公論非一己之私情云何不救不勉遺此一老吾乃知蒼蒼報施於焉有未晚者念君問學天人理微臨終永訣按我腹藁語何琅琅扶空日杲淚洒行間茂陵遺草哀哀二子越玉陳寶賢而有大道遠來孝所存者長况不為夫鍾鼎一事古人誰了嗚呼事豈惟棺夫復何尚精爽不昧而來者是保我奠兩楹腹痛如攪與公平生相期遠到苦樂行違知者惟鮑愍愍常情異心同貌老夫知音自深痛悼我過執寡我履執蹈有慟無聞徒辟而擇淚下河傾寄茲一抱嗚呼哀哉尚享 路祭中丞王兄永訣文 維君平度純遠內明而外闕以予交符之久頗勞其一二其所以斯疾而至於斯者而皆命之所致耶豈用有餘而高於行耶物或化而隱不校耶欲求合而反得幸耶剪所愛而戕老懷耶不然何氣運衰謝業一躬而蓄耶方謗之興予適在燕寄來東乎西溪致一言於諸公之間力雖微而莫辨庶幾友義盡予心之拳拳用是生有以書慰之殯有以文誄之又罔以不敏復銘而責之辭固斐然思屬草無愧而已今者執紼使送永隔泉路然古人神交

永樂大典卷一萬四千四六

五

因問存珠臨岐贈言故不憚其再讀伏惟明靈鑒茲微悃尚享王沂伊集祭馬中丞文 嗚呼惟公河嶽之英智足以周物而養之以氣質之厚才足以經世而輔之以學術之精發為文章山峙川行春陽滿野萬物滋榮溫然如圭璧之潤澤炯然如河漢之清明其超邁如輕車駿馬之馳其窈妙如幽蘭白芷之馨信足以高視一世以鴻其聲昔在延祐始以解鳴天球神鼎瑞於王廷一震普聞非需非寔橫飛直前不挾黨朋公事文宗達時穆清公簡上知字而不名于臺大猷足經何以進上雖時典刑何以格下示之權衡其在樞機施及舍生野有備時外無甲兵引疾言歸若憚滿盈胡不三事胡不百齡諒自立之卓偉夫何憾乎表向淮水遙迤淮山崢嶸想倘伴予為履屨鳴時而驚停僚友之好縫緼之情哀由感觸孰知涕零聊寓薦於卮酒慕斯言以見誠 殿丞宋蘇魏公集祭韓殿丞文 夫以萬石承家累業濟美能用優學仕于明朝振驚在庭蚤通於閭藉左魚為鄰已試於吏能方將凌厲亨衢顯揚先世才用既適志業巨量降年弗長中道而耆相君動猶子之戚士友傷秀林之摧翦旌將歸且觴為奠未敢菲薄用表信誠 侍御文苑英華梁肅為杜尚書祭劉侍御文 唯公天挺貞淳肅恭溫仁

以禮立志以道藩身惟靜惟動克儉克勤正身自立家邦必聞久付某間
 嘉名益振上曰爾才監戎于闕身許九重禮遣三軍軍中協睦罔或不親
 朱紱煌煌映于銀章方期奏報歸侍天玉外迫矣瘴內纏膏育不永斯年
 今也則亡浮江涉淮遠寄舊疆丹旆翩翩言過雄揚某早接公游乃弔公
 喪連懷宿昔感涕沾裳秋日淒淒浮雲無光敬陳薄奠悲塞中腸嗚呼哀
 武伏惟尚享新報公某祭王侍御文 惟公德業之茂資歷之美蓋有朝
 廷辭命諸公狀誌贊之詳矣固非晚生末學所能稱述其彷彿也重念貴
 以世契獲拜座隅復得與公諸子交游義同子姓是以羨顧之厚不與他
 比今茲守郡見公松楸感舊情懷不能與憐恭奠薄醴以薦丹誠計有子
 某小某祭劉傅之侍御文 維年月日某位許有壬謹以清酌柔毛之奠
 致祭于亡友贈通奉大夫四川等處行中書省左丞相知政事護軍尉劉文
 肅公之墓惟公業精於動學本於儒淵乎泓淳溫其播與昔玷南泉公實
 協恭群議聚訟儒守武攻華室道謀公獨我同中書兩曹機務是膺公石
 我在一日同升副憲淮南承之作漕賑離合併一哭傾側升堂拜親握手
 謝文脫落流俗尚論古人雲萍之蹤又復南北公位雖隆年則未及俄聞
 引疾請老賦歸我高其行馳書賀之山林幾時松栢連萎慨臨哭之無由

木葉大集卷一萬四千四十六

幸託名於豐碑。竭來隳江省先子之手植遵彼蕪麓并佳城之崔嵬雖朋
 友之墓有宿草則不哭而平生三仕之合始終二家之契詎能止涕泗之
 交頤一觴墓前公其格思尚饗

御史劉公文 嗚呼噫嘻天之生才為天下也粟才於天而使喋不得施
 耶施之未進而奪之已刺豈造物者亦有新於才而不使得盡展其所為
 耶嗚呼噫嘻公廉足以律貪墨而不傷於和仁足以活枯癯而不期於知
 發森植伏凜乎明也而行之以欽恤尊賢容眾粹乎溫也而攝之以威儀
 乃為斯琴我簾畫垂乃兩我早乃我我飢庶無留訟野無交驂枕其窮山
 之鴻鴈極負博壤之鯨鱈至於洋洋洋洋宮之頌籍籍菁莪之詩撫惠澤之
 而新志復觀夫墮法之碑毫肯畫於黃堂泚廉車而未思父母近只田野
 點點殆聽馬之重未屬江南之存缺我賦我藏公則飲之我流我離公則
 集之有優于遠公則嗔之有瘖于室公則起之嗚呼天之所以降才於公
 公之所以扶植於我與我之所以有望於公者豈皆是止於斯彼庸庸嗚
 嗚而生者皆是以公才德獨去此而為歸豈造物果有新於才而不怒意

耶是則如之何而不悲。嗚呼。意嗒。恨來者之誰繼。撫逝水而莫追。陳薄奠於荆湘。望輜車於天涯。清風依依。棠蔭迢迢。佩音容之如在。尚憇然其監。慈。嗚呼。噫嘻。張西岩集祭樂御史先生文。嗚呼。夫士見稱於世者。上乃為材德。次乃為文章。獨公文德二者皆具。此所以馳聲阿而騰光輝。其持身之正。其處心之良。其立志之大。其養氣之剛。其接物於內也。則春風和氣。其臨事於外也。則烈日秋霜。真一代瑞奇之士。迥乎拔其俗而異其常也。昔者獻天揚之賦。分仙桂之香。小試一邑。德澤兩滂。佳氣百里。熙熙洋洋。歲。愈露鋒鏑。秋鷹寒鷄。立峭行昂。神驚鬼驚。惡伏姦藏。是以肅清於京師。振動於畿甸。觀其待守。聽其謨斷。謂將進而大用。或當執國政而提綱綱者矣。若之何。忽時平而運左。值地老而天荒。乃流寓於燕趙。弗從世而徜徉。茂王侯。輕富貴。嫉詭譎。懷剛腸。以經傳而自娛。雖老耄而不忘。方潛心乎樂易。等萬物於秋蓬。連拳擊其一病。竟莫愈於膏肓。嗚呼。時命不戒。天道冥茫。胡為乎使公不壽而康也哉。嗟嗟公之逝兮。端逸氣而不張。蒼生為之望絕兮。士林為之慘傷。胡命生於神州。梓兮。亦常齒青衿之打。失趨走以祖道兮。砥隔刑棄。痛幽明之遠異兮。涕霑其裳。時駕水之悠悠兮。鶴山

蒼蒼仰英靈而莫覲兮。徒執中以彷徨。噫嘻。嗚呼。尚乎。

唐事。汪玉山集祭王唐事文。嗚呼。在漢武宣。得人雖盛。獨仲舒黜。表裏純正。茲二人者。公實兼之。春秋之學。諸儒宗師。動直之節。本朝表儀。言有不合。奉身以退。歷守四郡。治行皆最。輿論藉藉。身其久外。追茲召還。則既病悴。質者在門。平已相繼。斯氏所憐。斯文所繫。何才之難。而奪之易。別其設施。百未一二。慨念平昔。道義相契。今其已矣。潸然出涕。生男一束。惟以見意。嗚呼。哀哉。陳止齋集祭王唐事文。吾鄉自昔。諸儒有作。剛毅敦龐。是以為俗。中更權臣。擯排其尤。為木云。洞何草不秋。誰其作之。惟公嗣贈。疏立堂堂。萬大典刑。梅溪之原。蕭臺之下。公車不駕。市無翔。蕭臺之下。梅溪之原。公休于廬。卷無遺言。公行未久。公即白首。邦人父老。欲執之手。天子起之。莫莫止之。羽旄四海。匪我敢私。忍焉。此鵬洋泗。如水百爾。有恨不如我。河里。祭王唐事文。惟公天與。勁特世推。忠純正色。立朝奸邪。所保。其於當今。大義骨中。見之甚明。非苟然。假竊者比也。蓋自發策大厓。至於沒齒。九十五年。凜如一日。去年之春。復來造朝。身雖已病。受君彌尾。惟昔先人。雅崇重公。藐然孤生。晚蒙公知。去違朝路。曾未幾日。遽聞未訖。越在道途。迄今定止。始克遣一觴之奠。蓋為茲世。痛公之亡。而非獨下交。

之私情也。真西山集祭王詹事。德是象山為一都會。牧守相望。多特名臣。惟梅溪公。遺愛尤盛。蓋其所以修身治人者。一出於誠。故邦人思之。愈大不替。其自少小。即嘗誦公中和安靜之詩。仰心高山。于茲有日。故園僮僕。獲雖賢獨。於四十七年之間。方將朝夕。勉為。以師慕其萬一。茲誠州州公其登之。

給事唐韓昌黎集祭張給事文。惟維年月日。兵部侍郎韓愈。謹以清酌之奠。祭于故殿中侍御史贈給事中張君之靈。仰上或無。曾子惟君之先。以儒名家。遠居皇考。再振厥華。卿貢進秀。有司第之。有或作舉。從事元戎。謹職以治。遂拜即官。以職王憲。不長其年。非不盡新。乃生給事。松貞玉剛。幹父之業。纂文有光。屢辟侯府。亦佐梁師。前人是仰。董史差咨。御史闕人。奪之於朝。大厦之構。斧斤未採。府憲幽都。頑悖未弔。繁君之賴。乃奏乞留。乃遷殿中。朱衣象板。惟義之趨。豈利之眩。魁封發糞。闕府屠割。或作利償。其恨犯。君獨高脫。露刃成林。乃或作。乃千萬為徒。謀譚為。君獨叱之。上不負汝。為此不祥。將死無所。雖愚何如。慙屈受之。君義不辱。殺身就德。天子嘉之。贈官近侍。歸於一死。萬古是記。我之從女。為君之配。君於其家。行實高世。無所於葬。輿理東歸。於葬。或作。葬與文作。與誄以贈之。

永樂大典卷一萬四千四十六

八

莫知我衷。嗚呼哀哉。高某劉致彭斌某為人。祭唐給事文。惟公之生。志氣潔脩。清不可渝。如川之流。博學濟辭。既以周用。尺積之珍。又象所共。金華深屐。多聞是資。出入兩朝。天子器之。胡天降祥。福不自德。修造方。既軸。頌。嗚呼哀哉。某夙以姻婭。得從僑游。君人之美。使我心憂。腸且雖。公豈未臨。文以叙悲。公知此心。尚享厥陽。公集祭劉給事文。惟熙寧元年。歲次戊申。四月壬寅朔十五日丙辰。其官脩。謹遣通引官行首。鹿簡以清酌。庶羞之奠。敬祭于亡友。留臺給事原甫之靈。曰嗚呼。金百鍊以為鐵。而萬物不能適其形。及為物。而蔽其光。頑然無異乎瓦甃。然而一遇良工之棄。磨而瑩之。則可以見肝膽而敷毛髮。蓋其可存者。先不可昏者。性其或廢。而或用。由有幸與不幸。若吾原甫者。敏學通於今古。精識達乎幽微。乃百鍊之英。而萬事之鑑也。一為木疾。亦之。至使良醫不能措其術。首藥無所施。其功遂埋。至寶銜。惟無窮。此所以士大夫為嗚呼。莫不為朝。廷而痛憤。至於不知命者。皆有疑於造物之工。况和知於道義。而人接於遊從。念以身而莫贖。徒有淚而沾背。尚饗。何。磨小山。雜著祭王給事文。嗚呼。人孰無朋。朋宜以心。與君定交。莫是至今。君歸自。對我始。祭第里。問從游。肝膽洞視。自此朝。瑣亦相先後。君人我。隨我步。若驥。君去。頃。我始。被知。

永樂大典

卷一四〇四六

建居言席君擁雪庵自西而東聲聞絡繹我以疾歸君亦倦息稍尋舊盟以詩以奕若卜南園以聞華第園山之勝天設奇偉軒豁呈露如君心賞君老據此其樂豈窮武昌故壘有詔趣行若辭再三踏雪遠征南樓北榭待君品題大書深刻筆雄句奇一代風流三郡治最青冥衮衮君獨久外易鎮稍近謫疾少留有慈尚問何恙不瘳惟君生平不立城府高談傾座勇義自負巧手運斤渾然天成果昌斯文風池有聲風生批數回天有力跬步政途其止或尼謂君事業尚駕千里用則在人羊胡亦止君捐舍館又有奇映靈輿甫歸中壘繼亡嗚呼人世如一大夢廣廈告成兩楹已拱始與君約晚歲婆娑重以姻盟百世不磨何期一朝君先我去難勝之悲思君千古嗚呼已矣往莫贖矣我懷抑鬱誰與語矣斗酒之酌簡書是畏鬼兮有知歎我茲詠

宋閩家陳音卿曾憲集卷王祭閩文。世失東萊士模不模不見其人思見其德公受心印不激不迂摘實落華劉騫解履鏗然名家俗學可奴人曰東萊其生如初昔我郡庠廢不支吾自公至止先行奔趨不巧為穴不峻為樓身帥以正頑勃風柱二年故里一日中都諸老改顏爭挽薦車冀冀故府英良之區信臂一鞭金馬石渠大化茫茫朝榮夕枯公路中道人

永樂大典卷一萬四千四六

九

歟天歟載念往昔總角趨隅不鄙謂我千里之駒別日已遠居然故惡謂公之言既媿且吁亦謂暇日載馳載驅意熟公誨而哭公祖炯炯此懷時復鑿余憶公分淸廩問公兮今安歸一醉兮公未徐徐秋風兮為我款扉舍人宋景文公集王偉祭文三道。維慶曆四年歲次甲申正月甲子朔十八日辛巳皇帝遣入內侍省內西頭供奉官內當內東門司張茂則致祭于故西梁院副使無門通事舍人王偉之靈。撫日既良祖載惟始方從懷柳言闕泉塗俾即私庭幸陳嘉奠尚享。嗟隨既周龜筮茲叶體為則降魂無不之永念宛宵特崇芳酌。惟爾代家聯美公姓方休厥問。遺席茲榮不淑于身末如興嘆殯階云具厚夕無辰特致祖羞用崇哀禮尚享。華鎮雲溪居士集祭高郵縣中書孫舍人文。惟靈某昔初仕在公之里時公燕閒識公眉宇淡然往還相與如水南北一別寒暑八遷門關邈矣音問缺然幾至相忘如江湖間某進進曹公在西掖見公言貌不異時昔矜某踏踏勞公剪拂伊何人斯不厚以義熟視其困患不見譽公斷其為形於辭某朝堂之上慷慨與言俾其心愧拱手汗顏倉黃出力為之刊翰乃知大人推義惟忠然否之際疎戚不容矯然特操古之遺風巖巖太山介如其守于將鏗鏘不可矯揉奸姦必公寧悔塵垢念此寒鄙自

公吹噓每思奮勵庶副春私公既去逝知復奚為出不錢行弄不執紳愧
 此袍紫歲月忽忽豈惟宿草龍木其茲翰墨長在諸言莫祈隻鷄綿酒昔
 有成規未或斷絕歎此菲儀尚饗唐權歲之集於故唐舍人文 維元和
 元年歲次丙戌正月丙寅朔十九日甲申中戶部侍郎權德輿謹以清酌時
 羞之美敬祭于故禮部郎中知制誥唐君之靈嗚呼文編行茂才全弱冠
 知名時推偶賢各章振藻金石在懸緣情放言未組相輝憶昔萍湖與君
 親止忘形合志遙通道理瓜步拜清吳山楚水芝蘭之室三十年矣君自
 左史遷居臺郎于叨禮官亦奉周行熙春至止休沐相將縷盡替於上闕
 俄出守於遊方盛山雲安風水及淹屈此二郡俄然半世文章煥發書札
 相輝年融苦言欵曲嘉會願我黍曠君滄滯屢封薦幸輒以人廢每與
 公範交脩宿契不進不止中心自誓大君難明元凱持衡方開宣室以待
 賈生裁成訓命所謂文柄詔君居之士友相慶遲遲在軒來自荆門凡我
 同人載勞夢魂屈指繼日俟君西垣不及百里俄歸九原嗚呼文編此痛
 難言壽堂野上一別以古守昔風姿音無處所樽酒盃貳泮零如雨冥冥
 之間神其聽否尚饗周益公大全集祭莫子齊舍人文同學士院權直奉
 大亦維淳熙五年歲次戊戌十二月庚寅朔四日癸巳翰林學士中奉大

水樂大典卷一萬四千四十六

十

夫知制誥兼侍讀太子詹事兼脩國史管城縣開國子食邑五百戶賜紫
 金魚袋周某等謹以清酌疏食之奠敬昭告于近故直院中書舍人莫公
 之靈惟公行飭文敏內剛外和名重月評考發儒科入為王官退食遠適
 恂恂寡言鮮或譏訶見義則為勇敵橫戈介卿列監禁掖鑿玻璃再至三五
 人歎蹉跎乃心怡然守道無頗徑禪王藩舉問孔多子溫于泉中和可歌
 召登從班進賢我畏薄之故嬰此微疴賜告於家禮殊數荷萬中草創
 大尚傾河甫息在林遽逝逝波指紳駭聞爭以為訛謂仁必壽豈知其他
 矧伊雙鬢亦云未耄奄忽如斯天理則耶吾徒為僚方賴切嗟脯醢之奠
 朝為駢羅時觴再拜有淚涉沱嗚呼哀哉尚享 祭紫微韓舍人文 維
 皇祐四年歲次壬辰六月一日甲戌具官某謹以清酌果羞之薦致奠于
 亡友紫微韓君仲文之靈維夏臯月曉魄陽出明發不寐悲纏心骨念母
 氏之劬勞復禮衣於茲日是有使來致君慰几發函就讀悵非手筆云感
 外寒方匯諸室口占書辭志殊詳密我弗以憂誰不有疾緘報章而未達
 傳函問于奄忽但人事之無常何變故之倉卒也嗚呼哀哉惟我與君義
 則友生情猶天倫忘形莫逆焉敢存真音適墳麓之和氣襲淮蘭之薰在
 明道之祭酉始傾蓋于京華消寶元之庚辰並飛紼于文苑欽才致之開敏

挹風扇之通簡景行業之英實味辭義之啟焉何宴嬉之不同諒趨舍之無間曾決日以駕游朝吳班而恨遠歲因款以南譚同江淮之性寒微叨命於林陵君未可兮清耗及春物之未闌見畫艦於津館揮醉杖以相屬覺暹景之遽短忽江山兮清曠澹懷抱之據展嘉名兮暮秋帳石城兮飲錢久相望兮中流君之舟兮已旋策余馬以獨歸城鷓噪兮落晚時年華之未徂奚離索之多歎亦孰謂乎夫君遽終天于此且為呼哀哉人倫貴哉嗟我不明謂君器業實時之英必當機柄而立功名此蓋公議匪私交情甫慶掖垣之擢方參法從之榮曾慮登之未售別靈府之從衡擢鸞翼於順風情驥御於脩程世大體兮多艱天施化兮靡平惟才彥之不可多得余哀君兮乃為聖朝與蒼生哭之恸兮寢門重余憂兮呼嗟指幻泡之起滅彼真諦之論精紛物我兮異同亦達觀之齊冥惟延伫兮安立頌明為兮揚彭寄余誠於一醉時無忽兮友聲尚饗歐陽公集祭謝希深舍人文 維年月日其官脩將以明日祇僕于清量用清酌庶羞之奠致祭于故剏閣舍人謝公之靈嗚呼謝公一作公子性明於誠履蹈其方其於死生固之自達而天下之上所以歎息而不已者惜時之良況於吾徒師友之分情親義篤其何可忘景祐之初脩志于峽而公在江東寓書真州哀

其親老一作甚日而勉以自強其後二年再遷漢上風波霧毒凡萬二千里而會公南陽初未謁公迎我而笑與我別久憐其貌若故而氣揚清風之韻覽秀之源坐竹林之脩篁泛水芝之清香及告還一作去邑得官靈昌走書未報喜詠于章羅縣無歸未容公邦歡言未幾遽聞于林不見五日而人哭其堂嗚呼謝公年不得中壽而位止于郎惟其致也哭者為之哀不識者為之相吊或購其家或力其喪嗟夫為善之効得此而已庸何傷富貴偶也壽夭數也美一作何較其少多而短長若公之有言著于大行著于事材著于用既久而愈彰此吾徒可以無大恨而君子謂公為不亡清人未迎脩馬當北而不即去者以公而彷徨始脩將行期公餞我今其去也未直公賜茲言悲矣公其聞乎抑不聞也徒有淚而浪浪尚享王安石臨川集祭沈中舍文 惟公之生于朝措紳夫人嬪之以作封君皆以壽終而世有人昔我先子公倫之舊施于不肖遂為世友不腆之文既藏于丘惟是區區以贊醜羞 祭沈舍人文 惟公之德孔潔且碩淡泊超然更無忤逆德實不類不容如石遂扼其行卒不克馳謂天惡賢我不收知果好之耶今又何其惟公於我義燕師友何以薦誠有替惟酒物則微矣其誠則有彭汝礪鄱陽集祭顏舍人文 在昔克公具體而微遺周

之季歟不克旋赫赫聞孫令問孔時積歲安行不棘不遷乃侍勸講乃典
訓詞乃治膠庠學者見休當達而願其就祝之翩翩其梳既庶丁歸靈輿
在途老稚涕洟其悅從公游公甚好之連屏于徐公敬不衰乃哭公喪亦
孔之悲祇薦酒觴痛以我辭公則不忘其或知之嗚呼哀哉 登顏舍人
文 惟精之歸我方告病谷不能躬則非不敬有宏公德是不可忘陳辭
薦酒亦孔之傷嗚呼哀哉李彌遜竹溪集祭林時秀舍人文 祭昭興七
年歲次己未八月於酉朔初一日戊申其位李某謹以清酌庶羞之奠祭
于宋故舍人林公親家之靈惟公抱英特不世之材負陶遠有為之志皇
皇華國之文誇誇濟時之義偉樹秀於解林寔其英於葵歲方捭闡於華
省繼著華於清陞爰待命而割遷俄分符而間寄惟嗚嗚與皓皓宜入朝
而見忌雖喜懼之不加而薦紳惜君子之居外謂將躡青雲而坐廟堂扶
聖神之至治何不怒此一老蒼衣冠而永棄嗚呼哀哉嗟賤子之登門介
額遇之特異擢水泆水之生歟板蕩山之吏接唐歎於三餘獲周旋於兩
紀悵契闊之十年絕音書於萬里何一訣而終天慘臨風而酸鼻念舊盟
之可尋幸庶幾公之有子于託姻好於松蘿伴翰筆之是社茲有事於宅
室屬消辰之將至雖女子之有幸願婦儀之未備生不服勤於箕帚菲不

致恭於贈禮敢陳奠於椒漿寫餘哀於一誄噫德何臧而年胡不長才何
大而仕胡不遂意餘芳而騰馥流後昆與未裔其精誠其有知永毋忘於
下底嗚呼哀哉高饗張橫浦先生集祭呂居仁舍人文 嗚呼聖學不傳
何啻千載嗚呼哀哉風月組繡文字轉相祖述謂此極致正心脩身不復掛異
孰如我公師友淵源文以宣之詩以詠之天下之士誦公之文服公之詩
者多矣而得公之意者蓋未見其一二也若乃勸講露門直筆太史代言
西掖視草北門即公之忠正恭儉躬行履歷至死不亂者繫之於英華而
注之於筆削爾我之識公最晚而公知我最深同處于朝而不相往來問
好此學而未嘗談論神交默契不欺不愧其亦庶幾焉嗚呼萬事已矣夫
復何言觴酒豆肉千里寓哀惟英靈其享之許景衡橫塘集祭宣州劉舍
人文 公啓太學我亦請生我家召還公在朝廷做合國南門恭相聖祀
酒道舊其喜洋洋嗟我家推公之畏公不我鄙委曲教誨廣大精微我
曷且疑公指其要莫先致知用舍行藏我亦公咨公曰有命豈不自好耶
別汲汲歲月如馳公往不還而以是歸大中矣涂發知十里伊誰挽之而
止於此公之道學我實銘之惟告于今維後之貽公葬荆川千夫臨穴而
我何為薄祿窮紉絮酒寓辭以寫哀素瞻彼大江日夜東注張南軒集祭

永樂大典

卷一四〇四六

安國舍人文。年月日其位某率某官某就城北被禊亭為佳款祭于亡友官使顯學舍人張公之靈嗚呼去年此時送公湘濱豈期今茲天公失聲。英爽在目。交情不忘。遂不復見。我涕以漉。惟公天資。遺傳發越。而不壽考。以昌王國。今茲之哭。豈吾黨私。醴有匪多。公其臨之。祭安國舍人文。

嗟乎。如君而止斯邪。其英邁豪特之氣。其復可得邪。其如長江大河。奔逸洶湧。沙然無際。而獨不見其東。墮溟渤之特邪。又如騁駟。綠耳。追風。絕塵。一日千里。而獨不見其日。其挽駕之所邪。此某所以痛之深。惜之至。而哭之悲也。惟君布衣被簡。過十年之間。入司帝命。出領數路。文章之博。燦政事之超。卓多士之所共知。亦不待某之贊歎。惟其孝友。恂恂。朝。夕。則人有不得而盡知者。方自荊州歸。某以書抵君。謂及此。則暇。專意承志。實進德。脩業之要。君深以為然。孰謂曾未數月。乃有此聞。某頓首。蓋荷知。久而猶為言有勁切。不以為過。此意何可忘也。道阻且長。不得往哭。遣致一奠。就知于悲。洪文安公小隱。某祭張安國舍人文。維乾道六年歲次庚寅十月丁未朔十七日。祭友某謹以清酌庶羞之奠。敢祭于故經略徵學直院舍人張公之靈。維公奮發妙齡。獨冠儒林之選。出逢興運。蔚為禁闈之英。六郡能聲。兩朝雅望。遠紹曲江之風。度克有京兆之威儀。伯英善書。

咸推草聖。燕公大手。風擅詞宗。某女以孤蹤。獲陪俊躡。搗杵之所接踵。臨關。幾於同升。番水經行。尚想高談之衮衮。湘江問訊。莫動尺牘之翩翩。張把別之滋深。已釐悲於長訣。九原未闕。誰為黃絹之辭。三舍相望。姑致生男之奠。臨風一恸。嗚呼哀哉。尚饗。韓元吉南湖集祭張舍人文。嗚呼。安國之才。一日千里。信朝燕而暮越。歷萬險而不躓。非方阜與連。又孰得博其術。發嘉惠於兒童。育英名於多士。脫蛟鯨之垂涎。排鴛鴦而接抵。奮長纓於冊府。見諸老之戰袂。出擁六州之麾。八載兩院之制。爛珠璧於文詞。捷風雨乎政事。灑妙墨之淋漓。傾高談於意氣。遙望其威聲。黎民歌其遺惠。馳騁十有五車。時不謂之已試。亦足以方駕群豪。軼步當世矣。嗟人生之多艱。固靡限乎富貴。春昔賢之有言。無八九之如意。况屈吾安國之指。十不滿其一。二上則誥於父母。下則拊于兄弟。委濶濶之莫收。乏階蘭之或藉。觸炎歊而遽疾。財空舟而倏逝。諶蓋棺於朋友。付弱女於諸姬。功名鼎來。齋志沒地。它人不能一日。行路為之傾涕。尚何三事之可希。百齡之足計。我我方術憂。公計奄至。死生契闊。俯仰則異。僅餘豐碑。絕筆于字。碑。撫天。之云。阻。寓斗酒。而往。時。望孤墳。於鍾山。尤仿佛於一醉也。祭汪舍人文。嗚呼。養元。抱器博厚。濟以道學。寬裕有守。其立不倚。其合不

苟其任于時。涅而不黑。其言于君。朝論夕奏。義可則可。義否則否。上亦謂焉。可以大受。冥之誅。嗚呼。試之江右。匪日而歸。春實益懸。紫微高閣。威風未。遂。群飛翔。翔。腹若手。後。誠實之褒。用則未究。遂以疾辭。其又誰咎。意其少。遑。何天不祐。嗚呼。哀哉。古亦有言。善人是富。乃如養原。而不俾壽。拜國之。悲。惜。莫。能。救。嗟。我。識。公。歲。云。未。久。為。僚。省。曹。俯。蓋。如。舊。不。鄙。謂。我。宜。取。以。友。再。集。于。朝。盛。德。日。就。契。闊。數。月。我。實。在。疚。書。來。諄。諄。猶。未。去。手。謂。當。一。見。懸。我。奔。走。豈。期。我。行。乃。遇。公。惟。公。有。抱。才。猷。禁。不。得。施。出。贊。戎。機。僅。越。歲。時。云。酒。代。祭。謝。舍。人。文。惟。公。有。抱。才。猷。禁。不。得。施。出。贊。戎。機。僅。越。歲。時。云。手。一。疾。遽。爾。淪。棄。天。不。慙。道。而。止。於。斯。乎。嗚。呼。哀。哉。公。從。于。遊。十。年。于。茲。曠。夜。登。山。臨。流。賦。詩。一。勝。一。詠。相。與。追。隨。琳。琅。金。薤。之。書。瓊。璫。瓊。瑤。之。辭。前。無。古。人。誰。其。以。之。君。記。玉。樓。翻。然。言。歸。公。不。我。留。我。心。傷。悲。嗚。呼。哀。哉。日。月。有。期。時。將。葬。夫。莫。以。生。易。薦。之。芳。醴。巫。陽。下。招。竟。兮。株。只。祭。許。舍。人。幹。譽。文。嗚。呼。士。有。文。學。行。義。信。於。朋。友。忠。信。馬。敬。行。于。蠻。貊。而。坎。壞。一。世。若。有。以。阨。之。者。其。為。人。邪。其。將。歸。之。天。邪。嗟。嗟。幹。譽。恬。靜。不。競。強。志。好。脩。同。官。奉。常。閱。歲。兩。周。文。史。相。從。有。唱。必。酬。贊。道。天。步。日。近。冕。旒。既。還。即。曹。持。節。萬。里。使。不。失。詞。語。皆。稱。旨。及。在。靖。康。秉。筆。立。端。增。繳。既。張。鴻。鶴。

水樂大典卷一萬四千四十六

十四

高飛。江湖放浪。漁樵追隨。落落難合。耿耿自奇。公隱于峯。我守雪川。公未訪我。一嘆摧然。曹未幾日。君對紫宸。偉哉三策。有屈有伸。將大用公。試以親民。赴官上饒。公無溫喜。行朱兩駢。遇疾不起。嗚呼。幹譽。宜享壽祉。胡不百年。而止於此。十載空山。真可逃死。嗚呼。哀哉。仁者必壽。壽者必仁。人孰無子。反憂其親。孰如幹譽。俯然反真。巨海一漚。太空浮雲。音容渺矣。欲見無因。聊致薄奠。寓哀一尊。嗚呼。哀哉。尚饗。代。養。志。姪。祭。王。舍。人。墨。所。推。公。學。術。根。源。本。于。性。天。行。素。施。為。無。非。自。然。致。養。北。堂。晨。昏。必。親。觀。色。無。違。雖。時。孝。純。發。策。決。科。光。明。禁。途。珥。羊。螭。吻。裁。成。帝。謨。載。持。漢。節。命。于。丹。祀。駕。之。不。俟。以。承。天。子。禮。行。簡。雖。乃。達。讎。怨。志。之。弗。伸。維。此。之。故。天。胡。不。仁。仁。人。不。壽。以。于。外。舊。而。仁。靡。究。我。祖。仲。氏。寔。升。我。君。君。不。我。棄。婚。姻。孔。云。願。惟。寡。學。尚。其。未。教。如。何。治。命。禮。成。不。報。門。之。未。掃。丈。人。以。行。誰。歎。未。者。提。身。我。後。生。真。宰。之。託。匪。清。匪。馨。於。呼。哀。哉。君。其。歆。我。誠。諫。議。江。藻。浮。溪。集。祭。虛。諫。議。文。惟。公。奮。于。南。服。以。學。發。身。篤。信。所。得。務。為。責。珍。始。仕。學。省。考。塗。可。循。力。請。補。外。心。無。屈。伸。天。子。嗣。服。數。求。正。人。有。以。公。告。當。膺。選。梅。遂。應。召。節。來。朝。帝。宸。初。副。臺。屬。旋。升。諫。臣。當。守。傾。待。有。疑。必。詢。公。亦。展。畫。屢。嬰。逆。鱗。坐。使。初。政。朝。綱。一。新。眾。謂。朝。夕。登。公。要。津。孰。云。

小春。隨以大屯。如木合抱。摧之半辰。計贖未上。天顏為嘆。褒贈絕等。從中出綸。惟歎脩短。誰進大鈞。公獨非命。天子不仁。旅櫬千里。旁無族姻。銘旌所過。見者酸辛。矧我同省。餘光幸親。川塗契闊。笑語未頻。茲為已矣。揮涕滿中。有酒既酌。有教既陳。公來一訣。永反其真。尚饗。林文軒集祭范諫議西叔文。年月日同年進士具位林某等。敬致祭于故諫議馬郡范公之靈。嗚呼。客去以嘆。欲見何時。况復危酒。從此長辭。公下瞿塘。萬里孤蓬。一涉臺者。百步生風。公在時輩。子雲相如。不得而親。馬得而疎。道州有道。尚或棄去。公當泉流。截然砥柱。其位愈高。其貌愈下。曾謂逝者。乃如晝夜。題名上層。十年猶新。一夕視公。公為古人。維是餘韻。若撞巨鐘。縱有宿草。蜀山萬重。我輩來哭。紙笥雜物。莫問行舟。痛連心骨。嗚呼。悲哉。尚饗。周益公大全集祭劉汝一度諫議文。維淳熙五年。歲次戊戌。二月丙寅朔十日。乙亥。具位某。謹遣人以清酌庶羞之奠。致祭于故諫議殿撰劉公之靈。惟公。學博而醇。氣和而剛。文掄泉俊。行高一鄉。石林之葉。龍溪之汪。謂公見董。交飛薦章。迨其任矣。或抑或揚。晚登諫垣。聲譽孔彰。飛龍在天。進佩水蒼。主聖臣直。疏盈忠策。雖分左符。宸眷未忘。論議之華。德林以光。于漳于襄。蘇枯弱強。上欲用公。公足弗良。八快甫開。奄兮淪亡。位非不顯。年非不長。有蘊莫施。寧隱且殤。士夫太息。我涕用滂。念昔瀛洲。分校鉉黃。直則並舍。歸則連牆。今為百里。莫莫公喪。無窮之恨。寓此一觴。嗚呼。哀哉。尚享。西山集故諫議龔國正祭文。新天子有事于合宮。推恩守內。凡忠臣義士之名蹟顯著者。俾長吏二千石。致祠焉。所以風勸臣節也。惟公。昌言直道。照映青史。馬策之封。近在城隅。曰志與義。時出公右。是用躬致。天子之命于墓下。而不敢諉之。有司焉。嗚呼。公之南遷。坐論蔡氏也。方公持府乞錢之日。實彼秉鈞顯國之時。榮悴殊途。亦既甚矣。歲月幾何。是非大定。流芳遺臭。兩俱亡窮。出彼光榮。埋骨茲土。積蘇猶唾。而弗顧。而過公之墓者。莫不徘徊太息。想像其遺風。是果孰為榮辱耶。嗟夫。天不使公還葬河間。而葬于此。又不使蔡覽于異邦。而竟于此。其始欲一正一邪。昭然並列。為世之法。或予雖然。使公之言行則王。室不至於中微。蔡氏亦免於大慘。是公之論蔡也。不特忠於蔡氏。而蔡之害公也。不准禍國。祇以自禍也。嗚呼。敬仰之餘。併陳梗槩。公之英烈。尚聞斯言。尚享。沈存中長興集祭張諫議文。維年月日。具官沈某。謹以清酌庶羞之奠。敬昭告于故南京留守石諫議大夫張公丈人之靈。嗚呼。公果逝耶。某過睢陽。是時見公。神與義并。願瞻有輝。展昂自喜。既如岡陵。我時病羸。愛心感強。恨不公如去。今四月。蓋

君宿昔。何災之逢。奄然即夕。柔始官揚州。以吏事公。公以見我。謂人之忠。執手把袂。待以友朋。至論于朝。藉于公卿。不我泯。涇。繫公之明。後歲數。以婚公門下。從公之遊。歲月一紀。知公譽公。奉理則然。不知公者。亦謂公賢。行則公完。性則公仁。謂多有年。宜不爾。彼不有相。亦克難老。我如公。修而不壽者。誰實斯公。遠此危暴。公厚聽我。志公何時。公之面目。宛宛我思。藐然終天。無復後期。寫泉無從。羞此草蔬。聞乎無聞。冥冥去途。嗚呼哀哉。尚饗。

補闕唐黃。所文集。蔡崔補闕文。故右補闕博陵崔府君之靈。惟靈。大。唐有進士科。無岩穴。詔故鵝版之降。不易其人。元和之起也。則有陽諫。城。凜凜清風。其不起也。則盧諫。議全昭昭高道。一以權豪之忌。空福道。一以先舜之世。但樂箕顛。其後陸君。濟以中。勳。應召。憲君。寔以中。諫。赴。繼李飛之。隨貢。遠則同毛義之志。奉親。東浮。謝公。昔州。武。避。戈。戟。適。於。仙岩。清谷。克。素。經。綸。而以酒。美。肉。殮。洋。聲。川。媚。五。屏。三。顧。懸。榻。開。樽。不。辭。小國之權。蓋切高堂之養。既而大君之思。夢說。四輔之急。為雄。繫三詔。而。就門。泰。七人。而。列。懸。仲舒。謁帝。必。演。春。枯。呂。望。投。竿。定。為。師。傳。李。何。龍。蛇。

木葉大集卷一萬四千四百六

十六

起陸。鳥。免。無。光。莫。扶。劉。氏。之。宗。祧。空。泣。表。安。之。涕。泗。既。中。越。絕。養。素。守。當。賢。王。之。結。嘉。姻。時。議。之。期。良。輔。豈。意。皇。天。不。祐。白。日。無。憑。消。渴。之。至。茂。陳。尹。微。之。入。瑤。桂。芝。焚。蘭。蕙。梁。壞。山。頽。雖。人。生。之。有。定。期。實。上。德。之。為。不。幸。嗚。呼。閏。中。二。月。煙。光。秀。絕。脂。轄。赴。闕。駭。風。噴。噴。其。猶。南。浦。魂。斷。涕。咽。而。况。昨日。軒。車。今。朝。塗。易。唱。薤。露。以。出。門。飛。松。旌。而。戒。途。五。離。擇。日。九。象。卜。居。其在。懸。蘇。其在。博。沽。懸。蛇。結。壘。聞。蟻。成。妖。迴。生。之。祖。洲。之。草。積。斷。無。弱。木。之。勝。陳。屍。重。未。而。何。望。楚。魂。一。散。而。難。招。嗚。呼。神。道。甚。微。天。理。難。究。桂。露。蘭。敗。龜。年。鶴。壽。在。長。短。而。且。然。於。妍。醜。而。何。有。某。哥。早。承。餘。眷。晚。獲。聯。姻。或。感。極。外。家。廼。自。出。之。念。或。思。深。猶。子。多。引。進。之。仁。或。敬。屬。丈。人。之。行。或。情。兼。內。妹。之。親。有。美。吾。姨。慶。靈。仗。屬。尊。公。則。師。長。庶。僚。夫。人。則。儀。形。六。桂。門。高。再。世。之。侯。家。享。萬。鍾。之。祿。經。過。款。狎。出。入。遊。陪。駸。人。玉。潤。覆。水。蓮。開。春。輝。別。墅。月。滿。高。臺。嵒。山。傾。側。謝。雪。徘徊。惜。景。而。持。繩。欲。繫。邀。歡。而。秉。燭。相。催。中。歎。年。離。今。多。至。止。仲。叔。辭。屏。而。方。返。梅。福。罷。官。而。未。幾。一。則。歸。從。回。馬。之。峯。一。則。至。自。點。鷲。之。水。將。為。笛。裁。竹。綠。華。新。梓。駢。射。鴻。招。何。鈞。經。窳。與。聞。於。屯。夷。極。平。生。之。宴。喜。良。覲。雖。屢。深。懷。未。從。三。賢。莫。効。一。夢。俄。終。露。先。寒。而。頂。葉。滿。未。盡。而。聞。鐘。今。則。列。樹。閉。封。揅。著。得。吉。絳。旒。前。引。桐。

永樂大典

卷一四〇四六

梓後出隱於原野。淒蒼雲見。時時宿莽之茂。欲閉青松之室。鼓動賢偶。其
望諸孤。未降下國。且寓皇都。江遠唯天。天高但呼。必有餘慶。非無後圖。嗚
呼。來哉。亦有芳馨。班多肥瘠。呼噪不聞。精靈何處。鬱憤徒極。含辭莫銘。其
有登於酸嘶。庶無幸於酣飲。

學士宋王安石臨川集。祭馬龍圖文。嗚呼。余託業於進士。熟君名於垂
碧。既備官於淮南。習為縣之風。語去幕府而西遊。依國門之煥。始達君
之執約。屢顧我而曰。鑲。連揚子之既見。方皖城之窮深。遂有通家之好。終
無挾長之驕。君言事以此出。予罷官而南。備一江亭之邂逅。話宿昔以終
宵。以牧官之在列。當御史之運朝。又連隨於暇日。心所好而忘遠。距半隔
之幾何。忽水淺而風飄。書半塗於萬里。棄餘日於一朝。雖知君之日久。信
智過而才超。考前人之治亂。講後世之昏明。釋衆言之抵牾。排異學之傾
搖。衆相紛以異緒。君獨悟而同條。嗟。嗟。人之已矣。斤欲奮而誰要。想明靈
之猶在。冀薄禮之能招。祭韓欽聖學士文。嗚呼。君兮。邦之特。目揚秀
兮。顏髮澤。紛百家兮。並涉。超獨懷兮。道德博。蕩蕩兮。無吟。寬恂恂兮。莫逆
出。當官兮。發論。使權操兮。索息。年何尤兮。止此。祿不多兮。誰吝。其壺觴兮。
酌。哭。琴。長。車兮。啓。名。豈。獨。愁。兮。吾。僚。德。多。聞。兮。諒。直。願。笑。語。兮。已。矣。其。來

永樂大典卷一四〇四六

十七

吾兮。現。魄。張。方。平。樂。全。集。祭。王。龍。圖。文。維。元。祐。元。年。歲。次。丙。寅。五。月。丁
已。朔。二。十。二。日。戊。寅。太。子。太。保。致。仕。張。某。謹。以。清。酌。庶。羞。之。奠。致。祭。于。故
龍。圖。閣。直。學。士。知。應。天。府。王。公。之。靈。先。正。文。康。仁。朝。樞。宰。有。顯。事。功。國。策
攸。載。公。起。世。家。學。優。而。仕。直。哉。惟。清。風。類。是。似。惟。公。之。資。信。厚。為。質。頗。傾
之。萌。不。接。心。術。故。其。立。朝。克。秉。常。德。施。於。政。事。允。蹈。淳。則。天。地。之。理。見。於
簡。易。君。子。之。道。本。於。愷。悌。陪。京。二。年。治。用。誠。恕。民。悅。無。苛。先。在。其。去。方。謀
借。留。言。上。未。及。忽。驚。鐘。聲。父。老。相。泣。雖。未。上。壽。星。紀。六。周。乘。其。積。善。邀。與
天。游。有。子。克。孝。白。華。之。潔。逝。莫。能。從。一。號。三。絕。我。聞。傷。之。爰。作。新。誄。著。其
至。性。以。彰。于。世。嗚。呼。尚。饗。劉。欽。彭。城。集。祭。張。龍。圖。文。惟。公。亮。直。自。躬。儒
術。映。時。綠。飾。彬。彬。動。為。吏。師。大。邦。維。屏。天。子。是。毗。所。居。赫。赫。去。而。見。思。金
陵。都。會。朱。耶。始。封。大。新。城。守。百。堵。守。隆。落。師。汶。陽。周。魯。追。風。二。邦。美。化。於
古。比。崇。龍。馬。近。臣。柄。輔。儲。備。將。我。相。式。故。事。多。矣。天。不。慈。遺。公。胡。不。俟。殲
我。良。碩。奪。茲。重。器。嗚。呼。哀。哉。某。昔。以。庸。虛。預。居。下。僚。從。事。別。都。匪。夕。匪。朝
親。降。軌。範。躬。服。教。隆。薰。而。及。之。德音。孔。昭。奄。承。計。問。震。悼。焉。已。守。官。小。邦
去。公。千。里。欲。奔。不。能。疾。心。如。燬。酒。肴。匪。馨。恭。致。常。禮。嗚。呼。哀。哉。尚。饗。為
衆。人。祭。王。十。八。學。士。文。君。以。文。章。奮。志。登。身。施。於。為。政。寬。而。利。人。凡。出

從事傳古則迂。便大自勞。又非遠圖。居實精心。處躬不疑。所居可紀。去而見思。南亳之都。全吳之疆。鐵鏃存臻。氏卒派上。田萊既闢。百堵還定。問誰之勞。復此完盛。上嘉成功。玉降命書。東暨海邦。北維參墟。櫛刃方剛。經營是宜。金印載服。懶其有暉。傳車在門。揭節評日。且不能朝。君忽肝疾。賓未問君。笑言自怡。按此吉人。何慮何疑。冷疹發中。變若翻水。晨夕僂仰。君遂已矣。福善之說。古或不信。導引而壽。君復自慎。莽然臻此。不可推測。豈天有命。雖聖不釋。君齋所懷。不得盡施。以生者懷。重君之悲。某等辱從。君游交契。攸久豈伊。異人兄弟。揚舅哭君之傷。情鈞意同。丹旆有翩。君長遠東。况然語言。哲然眉宇。不見不聞。邈若黃古。潔饌豐盛。清酒在樽。一別長絕。寫心此文。嗚呼哀哉。高饗。范文正公集祭吳龍圖文。維慶曆三年九月日。具位某謹致祭于故龍圖學士兄之靈。嗚呼。與兄相知。積有年矣。行可師法。言皆名理。日重一日。人望公起。憂國憂民。早衰而死。嗚呼。天有五刑。播于群靈。惟純惟粹。哲人乃生。厥生不易。厥道未行。一朝往矣。天地何情。嗚呼。我不得知。汝而懷之。人失此人。寧美我悲。魂兮有生。來休盛時。尚饗。范忠宣公集祭陳龍圖文。聖元七年七月。唯公材猷膚敏。學術淵通。勝蓋龍虎。光垂蜺虹。踐履要路。華外燁中。所至可述。名高實充。宣力累朝。朕休

永樂大典卷一萬四千四十六

十八

四紀。臨劇而簡。視難如易。屢領使權。十年近侍。晚請琳宮。告歸故里。昔我克貢。已把風規。同年賜第。並拜彤墀。任官相望。鮮合多離。公居河橋。我忝并紳。假道來之。再陪高詠。別未幾年。計音遽至。我病辭位。聞公遶山。往弔莫可。哀情曷窮。竭末許下。公穴將封。敬陳薄奠。聊寫初終。尚饗。彭汝礪新陽集祭謝龍圖文。惟南謝氏。厥世有聲。公少名聞。不顯不承。橫飛直前。不挾黨朋。睨視公卿。不屈毫芒。博觀洽聞。該括後先。譬如大江。吞納百川。不見其原。亦無畔崖。作為辭章。氣象簡嚴。譬如南山。萃祥藁岩。其實伊何。松檜樞輔。與命曷仇。匪公匪侯。乃即收斂。殞埋一丘。惟其輝光。則不可收。吾惟萬物。並寓一氣。一憤一起。實如兒戲。成者為首。不成為尾。用者為虎。不用為鼠。為首為先。為尾為後。為虎非強。為鼠非弱。公既不疑。予以何悔。惟才之難振。古如茲。游從雖晚。友益可思。馳祭孔哀。文以昭之。祭張孝素龍圖文。嗚呼。山川之靈。在人為英。或者得之。恃才而矜。惟仁惟厚。惟正惟和。本立既固。所取洪多。嗚呼。張公。兼此衆美。有浮而動。誓不屑以人。亦有言。仁者宜壽。胡為是公。不羣而疾。伊昔宣和。某士于庭。我實與公。聊芳而升。契闊再見。十有二年。古佛之虛徑。山之巔。現模宏蒙。肯紀豐偉。意公遠期。吾徒之喜。自人十載。僕官番陽。公來持節。實治是邦。相得之樂。吐

誠以果我惟公尊。公亦我可。惟兵與刑。國柄之武。仁者居之。士歌以舞。東人之子。坐獲公來。惟是南國。念去以來。如何無忘。儻然莫懷。公之初筮。無意於種。人憂其遠。公病其速。十年拂中。早接佐縣。輟東偶來。實論以薦。既并于朝。士論興起。重車折軸。莫究其旨。顧惟衰庸。漸德既豐。翩翩一旅。順江而東。莫遂執紼。悲懷何窮。謹致薄奠。姑明其衷。惡夫涕之無從。王東年先生集。祭程伯為龍圖文。嗚呼。天生哲人。為後學師。公稟于天。實允殆之名。冠多士。位升要途。三十六載。道泰形胸。暮惟前哲。歐王蘇公。六十六年。咸以令終。公之反真。亦極惟此。豈其名儒。先後同軌。惟我於公。實聯姻煙。津亭一別。音容未謝。不能越境。白馬素巾。寓來一奠。有媿古人。畢西臺先生集。祭宋龍圖文。維元豐二年。歲次乙未八月丙申朔十五日庚戌。文林郎試秘書省校書郎守信陽軍羅山縣令畢某。謹遣人以清酌庶羞之奠。致祭于故修史龍圖謀議宋公之靈。唯公。渾厚恬澹。柔嘉粹純。天與其質。相心以文。白玉椀粟。芳華藜藿。不哩不贊。唯中是循。世有儒服。閉書不觀。游談恣縱。苟偷目前。卷握之富。視人偃然。公獨萬卷。汪洋波瀾。就為國典。郊丘廟祀。辟雍封禪。明堂會朝。臺閣府寺。森羅網條。而公之順。宰龍并包。惟宋有書。金匱石室。五世百年。英聲茂實。禮樂制度。聖功盛德。賢

士大夫。忠言偉績。為建太史。欲屬之筆。學士如林。而公第一。刻公字書。有法而妍。虞薛歐褚。齊稱後先。始之家學。今而自然。天子之作。公實書之。銘記來頌。公書乃宜。石半天下。皆公之碑。更自宣獻。其門輝煒。公大厥後。而又有子。天胡不弔。六十而止。嗚呼哀哉。我今哭公。想見其形。哭公而慟。如聞公聲。公書在目。儼然叮嚀。自我先世。姻婭輝聯。曰姑與姊。宜家之賢。中外出入。逾七十年。我實後生。上公之堂。公顯而成。吾門之光。公殯而替。吾族之傷。如公有守。如公有常。如公有識。而壽不長。天不可問。哀我蒼蒼。尚饗。享莊簡公集。祭張龍圖柔直文。維紹興八年。戊午四月丁巳朔二十七日癸未。其位李某。謹以清酌庶羞之奠。昭告于亡友。虔州府君龍圖張公柔直之靈。嗚呼哀哉。天之生材。夫豈偶然。或負其器。業可為世。用而卒於不試。或已試不盡。而中道天開者。古人皆歸之天。嗟嗟柔直。忠信孝友。雖武夫悍卒。皆知其賢。易豐其德。而畜以年。嗚呼哀哉。我初識于傾蓋。握手惟其純誠。持以悠久。故雖蠻貊可行。虎豹可馴。麋鹿可友。其臨民。取象雖教。除不殺。而民之愛之。如父如母。嗟嗟世人。厭常好奇。任數設詐。謂人莫知。謂民可罔。謂君可欺。孰如柔直。曾懷坦夷。貌如其心。燥濕莫移。嗚呼柔直。早廁英輝。中遭放逐。既跌復振。晚刻符竹。藹時休聲。如漢龔遂。化被

永樂大典 卷一四〇四六

曠俗弄兵黃池。賣刀買犢子之云。止邦失良牧。如晉羊祜。郡民巷哭行者。望碑墮淚滿目。嗚呼哀哉。我來江西。實總甲兵。入境之初。書未歡迎。孰謂奄忽。遂隔幽明。雙親在堂。二孤悻悻。我亦老矣。朋舊凋零。寓詞千里。有淚如傾。嗚呼哀哉。高饗王初寮先生集。祭宋龍圖文。代祭碑作。昔元憲公。暨其仲氏鴻筆。大典焜照一世。伯兮喋喋。遂都相佐。勲書太常。事載太史。機雲鋒風。王謝高致。施于子孫。隱然國器。維公英特。絕類離倫。忠孝天挺。名聲日新。危了解牛。奏刀如神。飛黃滿雲。萬里騰振。降才之珠。會遇聖辰。崇寧親政。首正帝。從筆建四輔。內尊京師。公持漕節。知無不為。經營中畫。帝遂弗遵。帝用是嘉龍。淫沓施既。登禁路。遂長天府。筆數事。劇。如。至。如。兩。公舉有綱。風行指顧。聲威整整。誰敢手侮。決遣如流。備形上語。趙張三王。不見比數。公俄外遷。險夷一德。財治淮陽。未幾汲直。發軔嚴近。宜在朝夕。奄忽計聞。中外嗟惻。大階極品。內朝秘職。贈賻加等。中貲宅室。念我宗家。元憲輩流。寅緣及我。早從公游。姻婭通家。情大相投。別日幾何。六見素秋。公今既寤。逝去莫留。生存華屋。零落山丘。惟公術業。未及經濟。流慶所鍾。當在後嗣。法從之賢。德實肖似。相門榮華。有隆無替。我獨懷公。撫舊涕泗。為國惜才。豈但存義。違詞往奠。必歆此意。尚饗。曾筆元豐。賴茶茶王。建龍圖。

文。惟公有獨立之志。不羈之材。揚旌闕楚。按節江淮。止如山洲。動若風雷。泉皆異其施。設曾孰測其津涯。若夫極急難於水火。下為傑於蒿萊。趨拘學而不惑。豈淺狹之能。俯至於稱物引類。典言寓陳。遠參騷雅。近雜朝諧。巖巖組藻。美軼瓊瑰。皆足以聲駕多士。望隆九陔。然而位不過郎中。名不過直閣。流落白頭。達迤一壑。豈人事之當然。信命存於冥漠。昏愚不肖。早辱公知。拊循愛勉。施及其私。聞公之逝。惻楚歎歎。戴德莫酬。當為以辭。祭宋龍圖文。嗟呼。次道公之一無之字。於古今典章沿革。得之於心。山嵐海積。又於舊聞。隱顯。悲折之以口。天高日白。公在朝廷。羣公百司。解或釋疑。公為著龜。公在太史。維條與屬。正謀辨訛。公為耳目。今公去矣。廷有大議。問故事者。衆失其歸。國有大典。考前載者。人失其陣。况公行不絕俗。而動有常德。古不忤物。而辭無可疵。靖退之風。愈老而猶。邵方直之操。自信而不回。至於為友。尚舊比義。親仁。道位烈而競。遂宜庸。態之能。陳然而發。殆屬於儒館。晚遂蛇於從。臣曾未得。歷禁林之獻納。任廊廟之。稱。何。鸞儀而鶴峙。慈。颺逝而星。海。哭公之喪者。客不絕於門庭。吊公之家者。使相望於道路。雖昏鈍之少與。獨。綢繆而有素。泪。淋浪而莫收。情。切。但。而。美。想。嗚。呼。唐。李。五。君。史。曠。其。錄。公。蒐。亡。而。集。實。蓋。勞。羅。而。遠。屬。至於帝。

永樂大典

卷一四〇四六

宅神州祖功宗德。咸在筆削。具存方冊。等日月之光輝。與天地而終極。則公位雖屈而未盡。名益久而逾章。彼雷責而磨滅。豈得公之毫芒。暮余哀而以此。聊寫屬於一觴。惜芳大全。集趙承之祭宋龍圖文。逝川何往。尚餘不慙之悲。新教再升。俄及既除之薦。悵音容之莫見。紛涕淚以無從。春此三川之岷。素裳五袴之惠。經過峴首。忍看叔子之碑。悵望桐鄉。爭哭仲卿之墓。別作晚進。獲嗣前塵。述躬昧以有初。荷願存之甚渥。高山景行。敢忘舊尹之規摹。斗酒隻鷄。是款邦人之慘愴。禮則陋矣。公其吐諸尚饗。汪藻浮溪集祭張徽獻文。維紹興二十二年歲次壬申七月甲午朔二十

八日辛酉。左太中大夫提舉江州太平興國宮汪某。謹以清酌庶羞之奠。致祭于故提官徽獻張公之靈。公出西蜀。大儒之家。逢時中興。大振厥華。幹國利器。深藏莫耶。揚于丹墀。天子嗟嗟。直廷閣。恩光日加。西清近班。唾手可奪。一日去國。君門遂賒。甘心外庸。兩郡拜嘉。吏畏民愛。聲聞遐邇。徐公有常。不陋不奢。晚復靜退。紉書五車。珪章粹溫。無可捐取。游戲翰墨。如雞畫沙。業林飽參。諸障莫遮。心法照了。談餘雨花。中年養生。彊健靡他。云何鵬飛。庚子日斜。重到舊治。歲方及瓜。士方宗師。誰借齒牙。行天相吊。堂空神妙。某久叨游從。敢並等差。一觴永訣。哀宜有涯。尚饗。一云五卅堂於拜

永樂大典卷一四〇四六

二十一

人所持。晚望龍圖。而許聽姓尚。中古其書五車。韓元吉南洲集祭資政殿大學士賀公文。嗟世重輕。無競惟人。匪人司之。世從而紛。徇世則違。美人之云。猗歟我公。挺然不群。自其少時。氣挾凌雲。視世所趨。眇如埃塵。或去而未。或屈而伸。不可生致。胡能疎親。偉矣暮年。出逢聖神。寵以獻納。付之陶鈞。如梓傳舟。如車得輪。世則大驚。望其經綸。狂虜初張。公使其軍。連公將老。復踐其庭。素禮不折。勇且有仁。歸則掛冠。射于海濱。帝實念公。當龍飛春。起執事。惟以靖我民。公不可留。是謀是詢。惟公平生。見于語言。士有一善。罔不薦論。曰此報國。晚而猶救。嗟我兄弟。亦出公門。公不我私。我其公恩。奄不見矣。慟哭聲吞。嗚呼哀哉。死生在公。視猶朝昏。年惟上壽。德惟達尊。哀榮幾何。無愧九原。公喪既久。義不克奔。望公之堂。惇然諸孫。公其知我。載散之文。矢詞俯屬。公寧不聞。馮大師集祭張學士文。公之文章。貴於治平。嘉祐之際。公之出處。見於熙寧。元豐之間。銘雖平生。其詞尤難。嗚呼公之亡。寧孰不悲。而公之道。悲者未必能盡。知公之。嗚呼。某雖至愚。公實厚之。公主文場。收于棄道。公在選曹。力為維持。京師雪寒。溫我旅羈。飲酒擁爐。倒傾肝脾。談經詆讖。語世咲嘻。謂予勿留。我當西歸。公歸嘉陽。我官在梓。而賀為說。相去千里。居喪得病。安以名理。或文或騷。郵寄

相示願我未老期公復起。人事變化如斯而已。嗚呼公之竟不知所之公之墓。乃從瞻依。公于公弟契好不衰。倘真斯文。聊以致哀。黃庶伐檀集代。茶提刑陸學士文。茶于故提刑陸君學士之靈曰。早獲科等。以才薄庸。不愜于選。積日以遷。器其遠到。莫始度量。既伸既知。為臺之選。乃官書林。乃判于泉。事為益著。名能日香。再試于外。乃司刑。攬轡所至。訊讞有條。符移之來。墨蓋未乾。曾不疾云。而以計告善也。殲殲其誰。莫嗟子藥。勿持室歛。勿見親容。于道觀者。忍邪。虎符所繫。手莫莫前。夫意以言。倘此有騰。尚繁李瑞。進竹溪集。茶于強學士文。嗚呼哀哉。誰余子強。挺拔諸彦。才兼百能。學妙一貫。容德淵止。高義雲旗。英特之氣。特然見而承家孝友。移及疎賤。陽城居晉人。以遺善。四十專城。抑強扶懦。黃霸治穎。民以除患。均未改廬。築室其畔。超然遠俗。以道出。盟君將終身。說視纓弁。人曰不然。國欲欺難。君出而仕。喚手可辦。圖功凌煙。拭目斯見。云河蓋棺。在此一旦。茲理孰判。念我結友。度自弱冠。聯相于門。並策漢殿。二人同心。簡與金斷。一行參商。歲月奔電。我歸自北。訪我鄉縣。皓然兩翁。驚顧三嘆。夜語更僕。畫席銷篆。共追一笑。牢結水泮。方將塞驢。百竭不憚。計者遽來。疑駭亂。頻年友朋。彫喪過半。奪我良戚。天亦可怒。百里村館。蘋藻自薦。

永樂大典卷一萬四千四十六

二十二

衣家在寢。簡編在案。想君音容。零淚若標。高期九原。鑒此觴奠。嗚呼哀哉。尚享。李大隱先生集。祭王無兢學士文。嗚呼壽夭數也。全其生者蓋寡。富貴天也。兼而有者。幾希。惟君少不惑於貨利。能力學於文辭。名譽光乎朋友。發策揆乎天堦。宣材猷之自勵。與英俊而並馳。稍躋榮於儒館。竟坎壈而弗施。洞庭之野。震澤之涯。泛扁舟而嘯傲。追漁父以同嬉。酌三吳之醇酎。對十椽之峨眉。懶甫里之杞菊。誅笠澤之書詩。邀三賢之高躅。美夫子其兼之。何疾恙之倉猝。與一世而長違。若壬辰之賜第。識夫子於京師。託同年之未契。亦會少而多睽。通婚姻而未久。觀翰墨之勤。斯遠成凶於不救。心慘但。其猶疑。嗟日月之于邁。卜窆窆之有期。聊摘辭於一奠。望姜柳兮增悲。嗚呼哀哉。安熙。庶庵集。祭劉先生文。維至元三十一年歲次甲午六月庚辰朔四日。癸未。後學鎮州安熙。謹以茶果清酌之奠。致祭于集賢學士沈翁先生之靈。嗚呼哀哉。山頽梁壞。天不翹遺。生榮死哀。孰不摧慕。嗚呼哀哉。熙也。晚學無知。幸蒙私淑。通勉勤勵。于茲七年。願以純篤。難繩。罔及學。不加進。頽情無成。尚企官塲。灑掃函丈。親承譽。欵大啓。愚蒙。孰謂難期。不就。此志。俾茲。凡陋。抱恨。於天。嗚呼痛哉。矧惟先生。至誠樂育。憐熙之愚。欲收教之。謂我當來。政此間適。斯言在耳。耿耿如存。今其已矣。將

安故矣。先生此思何日忘之。茲為奔走奉養以贄。奉觴以慟。為此哀誠。嗚呼痛哉。仰止前脩。精思力造。親賢取友。進德脩業。熙雖不育。敢負初心。伏惟先生定鑒臨之。嗚呼痛哉。尚饗。元虞伯生道園學古錄。蔡先生文。

維元統元年歲在癸酉十二月辛卯朔三日癸巳。奎章閣侍書學士翰林侍講學士通奉大夫知制誥同脩國史與家學生虞集。謹以清酌庶羞。祭于近故學士先生吳公之靈曰。於乎。惟皇上帝。未喪斯文。篤生先生。在我聖元。肅肅先生。早勇進道。脫絕凡俗。非禮勿蹈。方貞直平。步趨惟程。踐析條分。朱之治經。既即既安。體充用達。信其有為。自比諸葛。宋熄其矣。歟。而退藏沉潛。密微歷覽。無方玩心神明。天人妙契。時行物生。獨據其會。私淑諸人。其書滿家。地負海函。優游歲華。垂元以來。聖賢繼作。屢聘益尊。麟從鳳若。君子借來。言觀言依。誨言周詳。虛至實歸。慨然歸歎。為世惜則。折衷詳言。以究至極。天錫眉壽。安和聰明。修辭正怒。於昭其成。及門之徒。景附菁合。天不慈遺。嗚呼痛哉。嗚呼痛哉。昔我克君。未寓茲邑。取友定交。寔尚道德。小子不敏。竊聆緒言。粗茲有聞。敢昧其原。忝位于朝。每踵先覺。承乏滯留。詎曰能學。自江徂燕。履里五千。琅琅奇詩。意遠我選。屬罹多故。得歸孔後。辛業之志。竟不能究。木壞山頽。後死之悲。一腸寓哀。匪哭其私。嗚呼痛哉。尚享。

華鎮雲溪居士集代高郵縣祭故運使蔡學士文。惟靈。萃江山之佳氣。分質洵美。而且仁由道義之良術。學既富而允文。攬長壘登彼仕路。歎然許以相與。整脩廟而乘北。嘉時方。方翱翔乎要津。播仙殿之蘭芬。蕭秋霜於烏臺。贊天府之獄市。方轉全粟於淮清。引脩塗高千里。方曠馭飄忽於奔竄。指帝鄉為歸路。夕駕言稅乎九原。俾淵泉之靈長。方羗把酌而未既。顧荆棘之細碎。方託庇於鄉雲。聆始聞兮。但慮想清標。方銷魂。適此馭之過來。方疑因時以按行。念南舟之不至。方零涕淚而沾巾。惟故吏之共悼。方誠肅將於菲物。張茲辰之云邁。方望水絕於清塵。尚享。蘇天爵滋溪集祭王國華學士文。嗚呼公乎。東魯碩儒。溫恭自虛。和裕而舒。時昔嚴侯奮興。田里崇學。延師以養多士。遺時清明。為士為卿。優游周行。羽儀大凡。維茲卿士。卿人是好。推教俊良。振拔枯槁。公乘其時。亦起於家。好朱衣紫。歷游清華。歲易時遷。進居內相。作為文章。維世所尚。其文伊何。制命冊書。駢四儼六。華榮葉敷。至治天子。肅奉廟祀。公於其時。適官禮寺。作新制度。屬屬小心。第壇弗勝。天威式臨。公之平生。無件無競。不巧為機。庶直以靜。既彼鼻骨。群士景從。存者幾何。而公遽終。凡我同僚。情何有極。奉陳醪羞。以告哀。則尚享。王沂伊濱集翰林院祭蔡學士文。惟公儒

林師表王室典刑。志嘉屢見於謀猷。夷險不移於操履。仔肩一德。佐佐三朝。強識博聞。無通當世之務。高文大冊。遠追作者之風。故得天下仰之。為著龜。朝廷倚之。為棟幹。從容進退。雖不有於成功。出入勤勞。實未忘於憂國。方且問胡公之故事。倚方叔之壯猷。尊事五更。爰奉辟雍之封。進蹤四皓。結遠思商洛之歸人。鏡云亡秦山安仰。元聖驚嗟於上。群賢相弔於家。別此常傳。久親高誼。聊陳薄奠。以訣於天。恭崇禮北海集王教授。祭內翰先生文。唐叔維紹。與十二年歲次。癸亥月日。門生左從政郎克夷州州學士。授王之望。謹以清酌庶羞之奠。敬昭告于內翰實學先生。恭公之靈。古今所難。莫如文辭。文辭之中。體重而施遠者。又莫難乎書命之為。使世當承平。優游翰墨。則中人可以任職。及夫艱難之際。呼吸變故。而發為號令。以宣導上意。則皆欲切中於事機。如三鎮詔書。使姦雄不敢顧望。奉天赦令。雖武夫悍卒。亦流涕而嗟咨。是皆繫成敗關。盛衰非高世之才。不能善之。故代王言者。尤難乎多事之時。國家南渡之初。傾側擾攘。而文德廣被。與武功而並馳。當是時也。公以高文大業。振英聲於翰苑者。凡五年于茲。其深厚爾雅。渾渾噩噩。以鼓動乎一世者。固無愧乎兩漢之奇。隱順體芳。厚揣輕重。錙銖必較。曾一字而莫移。制詔之出。海內傳誦。雖咕咕然好動。其不

永樂大典卷一萬四千四十六

二十四

者。亦莫得而瑕疵。至今北扉東閣。稱為真學士者。皆曰非我公而誰。其學問之富。上探六經之淵奧。旁獵子史之浩博。而尤熟於國朝一代之儀。凡典章故實。與夫前輩出處之隆。上下數百載。若指諸掌。而無遺。此皆精神士大夫所共推服。至於嘉謀碩畫。密陳於中禁。而繫天下之安危。治亂者。則不可得而周知。上方倚以為相。而民之無棟。忽一財而長解。世失名臣之表。哲匠。所以識典不識。皆與珍瘁之悲。矧惟小子。出入門下。從容受教。蓋一紀以推本。公不以為不肖。慰屬誘掖。矜憐撫養之意。最蒙厚於等。是計音忽聞。驚涕失聲。而摩於斗食。不得伸一動於靈帷。積慕之微。遠寓千里。以致一哀而已。若乃感念舊德。而懷儀刑。則不知其何日而忘之也。尚饗。張南軒集祭汪端明文。嗚呼公之盛名。蓋四十年有知黃鐘大呂。歸然存懸。使未攻擊人之望之。亦知其為眾樂之先。惟平日之所履。每務做乎音質。不與世以交驚。不絕俗而孤寡。獨好義以款款。而懷忠之奉奉。可片善之思取。必挽後而推前。或所趨之有違。敢妄假於色言。願規摹之若。是當斯世之其然。昔樓遜於下僚。窮師友之淵源。遠顯用於王朝。論據越而不偏。實眾芳之所宗。蔚佩蘭而握筮。屢賦於藩方。亦惠澤之究宣。雖卧柯山。靜觀其旋。方玩心於義經。不自放而益虔。隱聲實之適陰。時側席

永樂大典

卷一四〇四六

之招延。何天命之止斯。歎莫逆於逝川。痛易實於蕭寺。無居宅之一椽。嗚呼。前輩風流。于今邈焉。其刑云亡。後生孰傳。念言愚昧。公所知情。義篤金石。久而彌堅。書猶在手。人隔九泉。屬拘印綬。奔走莫緣。孰知予悲。涕泗而健。尚享。祭姚端明文。惟公早試劇煩。見才猷之敏。既登所廟。親龍敷之便。善方新十國之瞻。遽作九原之隔。凡茲民吏。孰不傷嗟。某昔歲朝班。嘗奉笑言之款。如今官守。幸遵規畫之餘。念託契於交丞。敢異情於生死。遠將一奠。少見辭誠。尚享。呂東萊集祭汪端明文。嗚呼。聞之大者。若將有屬。衆之粹者。其不徒生。倚泉萬之弗齊。公取數其獨巖。培之以嶽鎮之渾厚。濟之以潤澤之清明。其任重則較材絕識。不能足其志。道其遠則貴名顯。任不能留其行。既于其資。又乘其會。蓋而渡群賢皆在之時。而北方除論未來之際。款門牆而編廬。講堂與而獨詣。合諸老之規模。而融其異同。總一代之統紀。而攬其精粹。更侍從於兩朝。凜大節之弗渝。慮先根本。則或以為緩。動據憲章。則或以為拘。奮發陳義。則或尤其亟。痛論蔽用。則或咎其徐。少而論和。既不詭隨於小人之實。晚而議戰。復不苟同於君子之徒。雖屢起而屢仆。守常度而自如。外屏衛於翰藩。亦大體之可識。明振毫末。而終出於恕。知兼條屬。而各付以職。外視高雅。而中實密察。外視

永樂大典卷一四〇四六

二十五

寬舒而中實肅給。鎮撫經遠。不求歲月之效。調攝務實。不事耳目之飾。雖權協而勢移。迄歸然而山丘。晚進後出。自相長雄。廣坐衆席。善人罕逢。大雅之音。高聞於公。學則正統。文則正宗。樂易乎曠。前輩之風。崇深簡重。前輩之容。士駿未見。或燭或攻。以身存法。獨殿其衝。典則不墜。祭公之功。嗚呼。遠遜有義。施張有時。其用其捨。我不敢知。至於獲落業祠之秩。所取者甚狹。荒寒蕭寺之居。所處者甚卑。十數年之壽考。作二子之指歸。共策魯之淡泊。研簡編之闕遺。於造物其何費。乃一夕而奪之。然則聞之大者。竟亦何意。衆之粹者。蓋亦胡為。瞻天運之鴻濛。非小夫之所聞。講者又而上想。則匪公之素期。嗚呼。繼自今以往。鎮定大事。顧盼保軀。重者不復嗣矣。敷建大論。呼吸判成。敗者不復聞矣。百年未明之心迹。不復而究其實矣。群籍未辨之真贋。不復審其是矣。斯文將安所寄。斯民將安所保矣。其佩鞶趨隅。木行兩周。錄其世舊。教育調繆。肝腸洞照。泯然相投。大何理之不講。小何事之不評。幸三邦之接吟。謂事業之可矚。聞啓歎其未幾。忽赴車之傳轉。亟宿春而聽杖。淚淋漓而莫收。炯話言之如在。策蹇步而執殮。獨此心而明薦。夫何有乎。嗚呼。尚享。衛宗武秋聲集奠常端明文。嗚呼。凡國形於溟津兮。等浮漚於生死。前乎名世之既往。後乎方來而未

已。性者寥寥不可見。宜猶遊川之莫回。未者紛紛於目睫。孰若皓月華星之有輝。惟公克繩其祖武。考世家則實中興。御史之名宗。克肆其儒業。寫於光祠而襲香。郡室公之芳趾。舒翹揚英。字乃魁。別者而擢巍科。夔聲騰實。字乃登。華途而履騰。信漢符方利。而司六察。字信。近代之罕聞。魏芻有光而掄。前賢。字視。先烈而愈偉。嗟直道之難行。字志。莫仲於權臣。曹失時而在。連。字班。退列於卿寺。豈君子之不見。我。字國。子去之甚勤。惟我朝之尊有德。字夫。豈容於易退。度子節而兼兩道。字儼。照臨於福星。惟正身而肅百吏。字自。澄清於浙水。其論思。某近。字則有異具臣。其彌縫有闕。字則無忝宰士。數昌黎以尹京兆。字乃力辭。彈壓之尊。出望之而守。馮翔。字莫不謂輔佐之器。登升資殿。而次四府之職。將入廟堂。而宅百揆之任。何運序。字推。移俄陵谷。字易。置遂與世而相違。字做。淵明之閉關。至洗盡而絕交。字為。漢人之神軌。公之德。字大。圭片玉之不瑕。公之行。字寒。冰萬壑之難擬。文如行云流水。之剛雅。字不為時花。美女之纖妍。政如熙陽瑞露之敷。澤。字不為繁霜。烈日之嚴厲。內臺外節。出藩入從。之政。數九屢。字田。惟洛陽之二項。居惟河汾之數廬。其高風。廉高之足以障。頽瀾而挽。薄俗。字又如此。日壽。字曰考。而久老。字夢。莫極而若先有知。全名節。而以終。字

事蓋棺而迄無所愧。觀近世之尊崇。顯貴者固繁。如先生之光明。俊偉者能幾。某雖匪聚。廬幸同州里。願以德而以年。蓋師從而兄弟。記宦轍之周流。字。遂良。親於沈。紅。依絲之邦。涉歲月。其幾何。字。既俯仰有魚龍。鸚鵡之異。建。破。壁之復。升。字。有獲。綴。班於文。錦。喜。聲。光之密。通。字。豈特希榮於附鱗。藥石之莫。其。重。久。字。庶。增。益。其。未。能。翰。雲。之。倏。其。紛。輪。字。竟。莫。剛。於。素志。聞。公。字。既。脫。荆。榛。喜。公。字。復。還。秦。梓。念。抗。葦。而。往。字。擬。遣。請。於。大。堂。素出門。若。礙。字。年。莫。至。乎。闕。里。詞。積。遣。字。方。僕。夫。之。載。馳。計。書。至。字。歎。哲。人之俄逝。登。門。牆。之。為。日。淺。字。每。惋。恨。其。納。交。未。深。慕。風。節。之。與。人。殊。字。爰受。敬。之。不。能。自。已。遠。致。來。易。而。寓。誠。奠。奉。一。觴。而。親。酌。哀。哉。已。而。靈。字。鑿。止侍。讀。奉。端。明。某。祭。王。侍。讀。文。謹。以。清。酌。之。奠。祭。于。侍。讀。原。叔。八。丈。之。靈。惟。靈。享。通。貫。變。大。結。高。古。華。林。勸。導。獻。明。帝。所。禁。容。願。問。闕。職。斯。補。善。與物。同。世。罔。有。非。當。其。議。論。乃。心。自。處。智。力。未。究。更。于。夷。路。孰。不。永。年。公。何壽。而。不。與。孰。不。持。秉。公。何。復。而。不。舉。念。哲。人。之。逝。瑯。豈。外。累。之。足。數。信。問來。門。常。惟。守。土。悵。天。涯。之。帶。酌。與。西。軒。之。笑。語。易。書。積。之。且。存。終。已。為。其無。親。巖。巖。商。丘。新。阡。其。下。一。奠。仲。哀。幽。懷。莫。叙。尚。饗。司。馬。溫。公。傳。家。集。祭軒。侍。讀。文。維。皇。祐。四。年。五。月。壬。子。尚。書。七。日。負。外。郎。孫。琳。殿。中。丞。司。馬

光太子左講善大夫李端卿大理寺丞李景卿前通州推官楚楷謹致奉
于故侍讀學士郭公之靈嗚呼惟公之德清夷純白恪慎匪懈勤劬朝夕
文為國華行為士則抱憤拱編雍容帝側負錫之金坐命之席絕象逾倫
思輝備極如何不淑奄從窀穸恭等庸蔽久沐公恩承之下僚從公外養
庇其闕遺海之語言如妖如媚心何敢護今茲相顧涕淚未門瞻望靈惟
薦其蘋蕡凄風蕭然髣髴如存嗚呼永哉拙芳大全集王介甫祭呂侍讀
文嗚呼伯夷相唐尚父匡周受氏胙國重光奕休千辰之逢發我文靖
公實家嗣續前之慶御書翰林典禮太常是為世臣混耀家邦方奮方奮
厥隕誰使震驚落嗟上自天子凡居此列惟公弟僚於公之殯祇薦醢羞
嗚呼尚饗呂伯恭祭張侍讀昔者某以郡文學事公於嚴陵聲同氣
合莫逆無間自是以來一紀之間面講書詩區區一得之慮有時自以為
過公矣及聞公之論綱舉領舉明白嚴正無繳繞回互激發偏倚之病然
後釋然心悅真然自夫邈然始知其不可及此某所以願終身事公而不
去者也其天資源訥交際酬酢心所欲言口或不能發明獨與公合堂同
席之際傾倒肺腑無所留藏意所未安辭氣勁切反類世之強直者亦不
自知其所以然夫宜士為知己盡自應而然歟我行天下愛而忘其惡亦有

不滅公者卷內反諸心豈敢負之乃獨勇於此而怯彼抑有由也蓋公尊
學求益敦篤懇惻有以發其冥頑勇於改過奮厲明決有以起其緩縱而
不立己不黨同曾懷坦然無復隔閡雖平生退縮固滯之態亦不掃而自
除也使我嘗得從公豈無分寸之進使公以愛我之心充而擴之馴致於
以虛受人之地公天下之身受天下之善行為社稷生民福孰可限量邪
嗚呼公今其死矣亦無所復望雖然有一于此公在三之義上通于天養
其志承其業油油翼翼左右彌縫不以存殁為二者公之事親也念大恩
之莫報咎誠未孚雖身在外心靡不在玉室鞠躬盡瘁唯力是視不以遠近
為間者公之事君也義理之大一識所歸永矢靡它至於參觀編考公而
且博未嘗如世俗學一先生之言倖曖曖姝姝不獲廣求其學之力不以
在亡為動情者公之事師也公之此心蓋未嘗死我雖病瘵猶有尊尼者
存亦安知不能達中徒而謝子產耶既哀豈能大直寫胸中之誠以告公
而已中徒事見於子內篇五中徒嘉兀者也華足事乃叔山無趾並見上
陳古靈集祭張侍讀文嗚呼天之生物必篤其材傾者使覆載者使培
惟公之生實富材良器渾以厚德博而方早踐書林晚登華近人論思忠
危言屢進在官江表歷典州符安恬養素耽樂詩書謂公元老帝不遐道

置諸左右。以卒其施。自聞公喪。痛悼嗟惜。如何哲人。天壽其澤。公之好善。平昔相知。公今逝矣。知我其誰。過公之廬。不見靈輜。街裏尊榮。以祈諸路。嗚呼哀哉。周益公大全集。經筵同僚。祭范西叔。仲乞侍講文。在侍中。大昌。程少所。衣冠。蕭舍人。雄。淳熙三年。歲次丙申十一月壬寅朔十九日庚申。朝散大夫。試尚書兵部侍郎。兼侍讀。兼直學士院。兼太子詹事。管城縣。開國男。食邑三百戶。賜紫金魚袋。周某等。謹以清酌庶羞之奠。致祭于饗。侍講諫議范公之靈。共惟本朝。世納諫諍。有若范氏。直臣相望。在仁祖時。忠文著節。熙寧成。隆。崇國有聞。豐太史公。顯於元祐。清規直道。益議正離。紀于信書。播在衆口。三宗致治。三賢與焉。中間寂寥。既八十載。源深流同。公與酌之。萬里來朝。結知真主。烏臺騎省。言聽諫行。風采凜然。聲徹籍甚。得時與位。綽有祖風。惟祿及年。云胡不速。上心震悼。朝論嗟咨。某等並侍。經緯。幸軫條矣。聞講高貞。服公淹該。舌吐琅然。今猶在耳。豈期踰月。遽哭。喪舟。酒散。雖微。情則不已。嗚呼哀哉。尚饗。

待制。強祠。許集。祭青州。劉待制。太元。喻學有淵源。志存家廓。憲府橫飛。霜。秋一鷗。正論所擊。姦邪膽落。其佐大農。慮精器博。全救坐計。毫釐較若。屢。典劇州。憲平俗樂。幸來帥青。自有方略。勸其民人。載慶耕鑿。束其吏兵。無。

敢驕。雙。惟厥仕宦。淹速誰度。始驟中級。終止延閣。用不及竟。舟藏夜壑。青。人天。之。聲。動。城。郭。士。林。之。嗟。才。豐。報。約。追。惟。昔。游。慈。恩。宴。醜。三。紀。于。茲。年。契。所。託。遂。渡。朔。風。守。哀。冥。漠。庶。幾。歆。承。亦有肴酌。滿良青。默。成。居士。集。祭。王。待。制。文。惟。公。孝。行。著。于。閭。里。清。節。冠。於。士。夫。學。深。入。於。聖。域。心。獨。專。於。易。書。登。八。十。之。上。壽。陟。西。清。之。禁。塗。布。衣。蔬。食。而。樂。夫。晚。歲。坐。脫。立。亡。而。既。此。幻。軀。可。謂。俯。仰。無。愧。而。始。卒。有。餘。其。少。執。經。以。問。道。蒙。知。遇。而。獨。殊。茲。刻。符。而。至。郡。謂。絳。帳。以。如。初。豈。意。死。生。之。不。隔。曾。不。留。於。須。臾。瞻。高。封。於。馬。鬣。隘。行。天。以。過。車。用。恭。陳。於。一。奠。致。悼。念。之。區。區。周。益。公。大。全。集。祭。宋。待。制。文。惟。公。以。絕。人。之。才。膺。象。賢。之。報。年。甫。四。十。固。已。將。供奉。之。班。總。六。路。之。漕。矣。於。斯。時。也。唯。銛。利。兩。人。皆。知。之。而。孤。忠。瞻。智。猶。閤。然。其。未。暴。也。造。靖。康。之。初。元。駭。群。小。之。媚。竈。掩。慈。孝。於。兩。宮。紛。是。非。而。顛。倒。敝。公。篤。志。於。君。親。竭。誠。於。傳。導。則。輔。國。之。謀。遂。成。而。梁。冀。之。責。可。冒。矣。嗟。時。事。之。天。知。謂。豈。弟。之。神。勞。矣。多。言。之。不。宥。曾。未。弭。乎。憎。好。明明。元。后。日。臨。天。煮。因。永。念。夫。先。烈。爰。追。揚。於。特。攝。復。通。軀。於。寔。清。加。異。數。於。期。老。想。精。神。之。折。衝。好。謀。獻。之。入。告。胡。厭。薄。於。斯。世。乃。歸。全。於。高。蹈。藐。一。介。之。彌。錫。德。崇。備。之。屢。造。從。容。乎。韻。水。之。上。款。容。乎。鍾。陵。之。奧。示。元。憲。之。遺。書。期。矣。

永樂大典

卷一四〇四六

庸以遠到恍十年其一夢倏終天之是悼寓寸誠於豆觴寫至哀於誄稿
惟令名其不朽則稽參乎手誥可也 祭汪養原待制文 維乾道七年
歲次辛卯正月丙子朔十六日辛卯其位周其謹遣人以清酌庶羞之美
敬祭于故數丈閣待制汪公之塋人孰無才考德或非位孰不顯得君者
稀嗟惟我公克實光輝性有官庭言無脂韋厥初漸于久始登畿上一見
之决付政機升之諫者試之某庸正論攸興繁公是依民之無極公則病
歸遺書繼聞皇心歔歔惟愚不肖世所訶譏公獨何取乃與衆連章江十
日論析精微我舟既發公蓋猶飛憶知永訣别袖忍揮念言及茲痛膺屢
謫人生幾何朝露易晞惟有賢子不朽庶幾天祥可必豈待禱祈遠陳其
觴已矣者微嗚呼哀哉尚享沈文通西溪集祭唐待制文 惟靈有直清
之德立于本朝而身致顯榮有慶善之祥施于後嗣而代益昌茂固播紳
之所高行而鄉閭之所尊慕也某既為里人又適世契復幸守土得申所
懷方特清明陳奠菲薄尚享吳積全溪集祭劉待制文 敬祭于真定經
略安撫待制劉公之靈嗚呼士患無時才不高世或因幽遠不能自致公由
相門出偶感際遭編斷簡博覽強記撫取其華刻剔蕪穢其富穰棟以腹
為筭見於文辭精繼盛麗易於决科猶屈伸臂迨陞儒館徂期累歲典領

永樂大典卷一四〇四六

二十九

庶務所至稱治吳公薨陳贈告失辭公許于朝誓將死之率其家人追宰
相馬妻御不遺至于闕下相不獲已為黜詞臣公亦奪職駭聞播紳公及
喪除將老丘墓手植萬松家感行路近臣謂公甚勇且孝富陞而黜何所
示勸上意未回言者不已還公舊物公徐乃起出佐偏州過在河列公默
不辨聞者歎悅然寧之初抗疏論事指斥時宰恬不避忌天子怒之簡其
姓氏擢居右史漸自上志替筆西掖謂且伊匪而廢故常出將使指遂帥
高陽職則近侍兵奮不驕士女泄泄復以克歸法適然爾上照其情至彼
煩使坐令淮壖永無遺利屬遣樞臣薄伐交趾畀公當器以副經紀公有
所陳至于數四朝足難之竟以易地度抵嶺表東接于閩鹽鐵之利剽奪
相因無事交趾猶艱與人視莫如公終賴捐循大江之西鈴轄在洪守無
安撫乃隸于公盜賊屏息威行如冬吏亢于旄懼不見容誣公片言障於
不恭聽者媚與意有彼此公耻自辨引咎在已退安州廬不見憂喜英宗
之立雖自天意桓桓吳公實倡其議元豐實功單及厥後待制天章公昔
所有追罷潯陽遂鎮長嶽悍山喪氣善良自若戎將叛去百卒與俱聚徒
海上將指東吳公選號銳以明其後曾未暮月老弱授首上命宦尹以總
西師開府奉廷氣臨一時出殿帥府多昔近司不則從官怡聲下之事無

當居。有倡必隨。既公之來。不問厥常。混其正。矯矯其剛。坐不暖席。乃徒
 昨陽。公則不較。士論蒼然。易節真定。尚觀九遷。當軸處中。以澤敷天。孰云
 威強。而不未年。渾渾河冰。唯其所適。物莫能回。有如公直。維公之真。冥心
 險夷。群枉乘間。屢以抵觸。挾材不售。其將各誰。以既於死。天實為之。遂其
 在我。公又何意。嗟今之人。離合靡常。朝紙其痔。莫扼其亢。公獨秉義。不易
 于俗。善於交際。久而彌篤。或以窮歸。唯其所欲。宜若金帛。不能權情。退察
 其私。敵怨惡來。賸窮不偶。眾所避棄。晚登公門。以後為媿。公獨憐之。情均
 昆弟。憶昨聞州。復望步履。公聞其來。斐然以喜。未及施擔。勞問洽至。館之
 累月。屢往都騎。生轉更僕。實駭瞻視。加儀致禮。無日而無。使者遺集。亦置
 坐隅。迨其西歸。又辱追路。縱飲蕭寺。忘日之莫。方午少休。並榻笑語。棄置
 形骸。容相爾汝。以詩敘情。蒙報甚速。臨分悽然。久乃能去。嗚呼。詐知此別
 遂隔。幽明承訃之始。顛仆失聲。德大莫酬。龜勉餘生。日進南來。獲望銘旌。
 有羞孔時。酒列而清。薦以斯文。庶昭鄙誠。汪玉山集祭陳待制 在昔忠
 肅。叢論危言。辨別正邪。雖窮益堅。世變紛更。是非可知。而彼異說。猶或並
 馳。公於家學。周旋是奉。遭徂一生。晚乃進用。再拜上前。慷慨陳義。非臣之
 私。治忽所寄。帝覽遺書。臨朝歎息。布告天下。發揚潛德。置公禁塗。引以自

永樂大典卷一萬四千六

三十

近。亦使世人。視此標準。斯大廢典。繫諸老成。惟其以之。尚有典刑。公雖出
 藩。謂當過歸。如何不淑。乃止於斯。念我平生。道誼是親。建溪語離。意氣勃
 勃。曾未三月。聞公訃音。而我飄泊。遠在西南。生男一束。萬一此心。公豈云
 亡。儼其降臨。嗚呼。哀哉。張南軒集祭唐立夫待制文 惟公清夷粹溫。抗
 志千古。文辭深嚴。務我王度。獻納雍容。有感無忤。遇民如子。伊教匪怠。及
 臨事會。不改平素。人方忽忽。已獨有裕。嗚呼。惟公之賢。世或知之。而鮮克
 窺其微。蓋據梧隱几。獨得志言之妙。故飢食渴飲。俱不外乎天機。幾則坦
 化。則亦其宜。先君與公道義之交。豈獨賓客之敬。藐然孤生。早辱過聽。惟
 其所懷。於公莫隱。方抱罪痛。公復云亡。東望鄰水。有涕淋漓。免喪之初。念
 篤先友。敢違燕詞。痛此厄酒。許景衡橫塘集祭張顯謨文 昔我試吏。兩
 河之間。人笑迂愚。亦疾其頑。公獨憐之。遠見前輩。從容函文。飲食教誨。奉
 府多賢。聞于四方。我實何人。亦玷榆揚。惟公強學。英果敏明。折獄忠厚。治
 邊威名。今也則亡。遄焉誰繼。聞者涕泗。別門下士。絮酒千里。倚辭匪他。水
 言報功。痲賤奈何。廖剛高峯集代祭林顯謨文 惟公德厚。而方神和。以
 清自其先世。為時名卿。公實以之。騰茂飛英。鷹揚飛舉。 尊職亦既有
 子。作帝朕朕。東府西都。華于一門。公其誰如。安富尊榮。壽考而疾。匪養則

愆天子聞之。連幣千金。靈劍弗瘳。命也何言。期公百年。東國之鈞。吁嗟已矣。天胡不仁。嘗考一水。往矣無因。恭羨菲奠。新格微禮。

修撰范太史集。為范相祭辭于修撰文。嗚呼于駿。居今之世。志古之道。白首好學。耽耽玩易。見於事業。發為文章。治民則惠。執義則強。柔亦不茹。剛亦不吐。邪則吾仇。正則吾與。余昔使蜀。封部實鄰。聞其風聲。愛慕其人。同分西臺。晚益相親。茂林脩竹。美景良辰。杯盤草具。笑語天真。通家之好。往事空陳。年將懨心。乃補家職。拳拳打忠。侃侃正色。病不克施。終古遺直。告滿三月。退卧淮陽。山計遠來。我心預傷。歸于其丘。實跡吾鄉。涕淚秋風。酣此一觴。尚享。為勝仲丹。陽景泰王。修撰文。嗚呼。三季以後。士夫所慕。以顯為是。趨營擾攘。以巧為得。嗚呼。奮勿問喪。已山崖。得止銖兩。竭竭我公。介持龍機。志尚恬夷。情塗坦蕩。二十餘年。州縣疲軼。聊不嬰意。以道自廣。上多薦之。始被識賞。天府事業。權佐其長。游雨有餘。弊訟無枉。君對在前。帝方虛想。曰汝有子。天才英爽。中詔內務。是職是掌。淵謀嘉想。予所倚仗。能教之忠。惟予汝英。卿大鴻臚。汝諧汝往。父子要津。神統所仰。萬鍾百乘。謂富安享。遂致不淑。善人誰做。計者上聞。帝為悵惘。賻贈之厚。詔發內帑。右文容章。有光來陳。孝子拜恩。僕僕恪頓。寒族通烟。行實稱文。輜車遺路。

載瞻遺像。一觴寄哀。文論親黨。尚享。劇行隔岩。溪集祭族。兄無言。修撰文。嗚呼。天之生才。豈曰無意。既授之以能。為之質。必處之以可。為之地。苟異於是。者其必有謂矣。夫天地之秀。在人為賢才。在物為山嶽。彼山嶽者。亦貴夫為群物之利。是故丹砂金玉之寶。輟楠栝柏之材。取之而不窮。用之而不匱。至於奇峯峭壁。無所依而獨立。不借土以發生。則世不求其用。而以為瑰偉絕特之觀。蓋造物者之戲也。嗚呼。公之生也。自其少時。有不可尚之氣。既沈涵乎六籍。又鈞貫夫百氏。其雄辭妙思。沮金石而感鬼神。風雅離騷。配聖經而發鼓吹。當其抵掌而劇談。操筆而論著。老師宿儒。引避太息。而後輩初學。袖手屏息。而側視。使其從容夜半。奉宣室之問。曹何有。夫賈生代。言內相。參載難之功。而使武夫悍卒。感泣思奮。亦何取。夫陸贄。顧四紀之迴翔。寧或更乎中外。雖復塔蓮山之上游。贊明堂之坐。治與夫為使者。牧守所至。有絕人之稱。而用違所長。故識者以為公之才。未試也。嗚呼。今則已矣。豈非造物者用公為戲劇。且自夸其神。原耶。僕又悲夫。人誰不達。而公獨弗遇。其如是也。僕等於公有兄弟宗族之親。而兼師友之義。曾閱歷之幾何。乃隔遠而隔世。感知遇於時。昔心恨焉。而增媿念。後夜之莫。追邇西風。而實涕獨。緘詞以寓哀。尚平生之不昧。嗚呼。詞有窮矣。

而哀未既也公其聞知之乎尚享
殿撰潘芳大全集吳元及徐王殿撰文 江海炳靈為公之氣局萬衡學
粹為公之神鋒妙齡秀發藉藉時譽壯歲從宦塞邊匪躬若乃作尹赤邑
轉漕畿東吏術之高權貴歛手心計之妙天府日充斯進之令河南士女
頌騰鐵高蹈古人之蹤名實播於衆口姓字達於帝聰謂當膺不次非常
之選羽儀臺閣獻納殿陛究其學而慕白其事功進不由道公寧固窮嗚
呼大觀政和之間柄臣專政呼吸雷風仰公之後德願出我門人心則同
公若必取則鸞坡玉堂何索藉筆固在公之券中直道而行不卑小官綉
衣金節淹回於外臺者蓋將一星指神歎息而公曾不略芥蒂於心曾真
人仰天臥虎雲龍抗章請老均逸祠宮杖屨道途黑髮方瞳子孫玉立絲
衣家尊森王家之祀梓芬謝砌之芝蘭知公陰德之有後羨公流慶之甚
豐宜齊齡於逸鶴北秀於莊椿哲人其萎莫量彼穹其以小女之無似獲
奉中饋於公之叔嗣愧女蘿之短弱幸依託於長松念蕭寺之言離陪樽
俎之從容恍一別之七年徒書問之時通息丹旆之來歸痛涕泗之無從
有秋在運有酒在鐘冀公情好之如生魂彷彿而鑿其乘尚享
左史林艾軒集祭劉左史少裴文 維乾道九年春正月既望越五日申

永樂大典卷一萬四千六

三十一

中禮部尚書太子詹事兼兵部尚書胡沂吏部侍郎太子詹事李彥穎起
居即太子諭德留兵國子司業太子侍讀林某秘書少監太子侍講陳騫
以清酌敬款之真敬款酌于故庶子左史合人劉公之靈嗚呼朝回並轡
亦既累日雲斷雨散此生長畢公如鳴鳳為時一出其聲遠揚可以裁律
身在霜臺名高石室言動所記端頭捉筆未步銅扉相聞最老貌若拘拘
氣平而逸有沃其華宜落其實何為可弔三月枕疾滿然對我眼光如漆
無邊出戶張為君失殆欲揮斥熟為此贊古法所書大夫日卒五十之年
未者何述于嗟松州獨立無匹春晝一號滿襟蕭瑟尚餐度正性善堂草
葉劉左史祭文 維嘉定十五年歲次壬午五月戊申朔二十有九日丙
子具位度某謹以清酌之奠敬告于近故顯謨閣學士後溪先生劉公之
靈公以諸生入對臨軒遭遇孝宗搜羅直言遂以芻蕘擢居于前尋召自
於遠外遂入級于班駘粹踐履之清修儼容止之可觀被妙選於玉府實
克負於講官慶四友之得人感一時之相翰會孝廟之德勤在光宗之初
元方肅清於朝綱乃遺選於臺端念不負於耳目當吐出其肺腑首道俸
俸小人之進而力進仁明君子之還不顧一身之危辱但欲朝廷之尊安
遂去國於當年而推節於東川雖名古之屢頌竟垂旒之莫瞻值真人之

永樂大典

卷一四〇四六

龍飛慨善學于甘盤幸來賢之並進而群邪之莫干何天意之難知乃包
 藏於權奸既靈輿之橫興入學禁之加嚴宜向之所謂仁人君子皆已斥
 棄於遠外而公亦廢居于家人意謂于荆襄之間既據臂以無忌遂委意
 於中原幾跌危於宗社而天下有識莫不為之心寒幸天意之早悟而人
 心之同然雖根節之已深然誅錮之不難曹遺老之幾何皆載起而駭奔
 勉白首以趨朝將單車而及門何屹屹而莫前抱耿耿而回轅然九重之
 念公欲再起之者未嘗不切切而天下善類視公以為出處者未嘗不奉
 奉也公雖在外天下有事公未嘗不露跡以進及退而在家天下善類未
 嘗不仰公以為北斗而倚公以為泰山今其云亡朝廷之大政令大因革
 何所考問後生小子將欲講磨詩書誦習禮義者又何所歸依而思慕焉
 念昔袖書以謁公公不以為狂猶既入謁於晦翁亦復蒙其愛憐念此生
 之已晚幸及見於大賢自始迄今三十餘年悖晦翁之承已如公精神壽
 考若將未艾亦復歸於黃泉嗚呼哀哉無窮在後萬世在先將就覺其贖
 贖將孰扶其奄奄敬寓辭於一觴不知涕泗之潸然伏惟尚饗
 祭酒國朝蘇平仲太史集祭許祭酒文 於戲人生一世盛衰戚休雖云
 異境自達人而觀之均夢幻與池影夫得吾志也既非吾榮則失吾志也

永樂大典卷一四〇四六

三十三

又豈吾病蓋不以窮達而損益者惟君子所性至於人力莫能致者雖聖
 賢亦歸之有命我懷先生識高材挺博聞強記流華無競切承家學力追
 先正蘊為德行登為文章莫不珠輝而玉瑩聆其議論接其威儀執不駭
 視而傾聽昔先生之未出也識者見及門之士拘者以聞躁者以靜放者
 以斂情者以敏回知其規模可以任國家之政際聖明之龍興喜懽然於
 幣聘立談之間機鳴籟應謂相見之何晚不煩以官師之職遂授斯文之
 柄侍經筵而領春坊奉宴閣而陪顧問對揚惟精白之心啓沃昔典謨之
 訓禮度越于尋常名聲洋溢乎遠近凡其義以為質道以自殉知無不高
 言無不盡不朋而比不說以徇嗟易所謂審審而媚嫉者覆以為悖悖以
 毛求其疵朕中傷成於俄頃位甫正於辟雍車忽道夫度嶺高賴鴻澤之
 滂沛過歸安於柳井丹溪幽幽可游可詠若將終焉浩乎無門然無賢不
 肖咸謂方今之時右文之運予控四出招延英俊有如先生之老成宜膺
 求舊之眷而冠群公以進德育中之大畜致君民於堯舜以增光於前代
 而垂裕於後胤奈何松柏之堅貞竟同蒲柳以摧頹將善類之是瘁抑吾
 道之莫償於感天人之際消長之理蓋先生之所夙知亦先生之所自信
 齊幽明於一塗兮尚否泰乎奚訊而况先生之耿耿者當不隨異物而斯

畫則其有生亦既異乎衆人之爲人也。肉未寒而名已泯。苟能如此。良有餘矣。而亦可以無恨。吾嘗所不能釋。然而相與臨穴而悲。噉者夫豈徒懷契於平生。感死生其猶醉醒。誠悼夫人物之眇然。鄉學之灰冷。環視餘子。譬則蛙龜。念先生不可復作。雖大道之孔夷。而吾其誰與馳騁。

司業陳山齋集學官同祭王司業述。公於載籍。博覽強識。上自班。安洽百氏。然不爲空言。而已試之一二。其於詞藻。清潤豐嫺。而亦無斷。

簡刻畫名家之意。至於心度純明。發爲樂易。望之簡如。即不忍去情。

押。間以諧戲。俄而肅敘。記事以治。蓋庶幾德人之容。非尚同者之能。左

夫派。離虜圍。其羊方。稱南。皇君親生。以爲。規。間。闢。萬里。辛。仲。大。誼。是。入。壯。

夫節士。堅忍。僅免。而得之。天。與。匪。詔。匪。諭。嗚呼。誅。垣。數。月。據。纜。則。未。十。年。

外。服。帝。獨。所。記。晚。歸。周。行。善。人。有。此。兩。學。是。師。用。有。第。次。士。論。方。屬。乃。街。

不。施。果。等。於。官。爲。僚。有。嚴。位。置。公。忘。等。衆。人。儕。類。絕。去。繩。軌。惠。風。和。氣。

胡。然。山。立。而。忽。淵。陸。靡。人。不。慄。我。獨。切。至。寓。哀。斯。文。百。紙。莫。既。吳。泳。鶴。林。

大。集。祭。陳。司。業。文。罔。之。生。而。無。所。樹。立。則。爲。九。民。漉。然。死。而。無。覺。知。則。

爲。偶。人。子。少。敏。悟。八。寃。洞。明。或。論。其。夢。爲。物。中。之。象。或。指。其。頂。爲。天。上。之。

麟。所。以。懸。根。合。海。氣。之。秀。高。第。揭。斗。杓。之。明。樓。下。玉。几。徑。參。慈。湖。磨。龍。明。

永樂大典卷一萬四千四百六

二十四

德之鏡。漆澤靈淵之珠。紹聞徽言。每受正印。心之精神。只此謂聖。大無理

之不燭。細無疑之不瑩。俯以習于鄉仰。以儀于朝。凜冰柱之屹立。懿玉音

之孔昭。道則甚高。時不吾以。俗學薰骨。危言入髓。鳴丹鳳於燕雀之壇。奏

黃鐘於箏笛之耳。豈一意以孤行。羗衆兆之所棄。紹定不合。端平不容。至

嘉熙而三黜。信吾道之冥窮。非不知塞塞之爲患。容容之多福。然委厥美

以從容兮。人非君之所欲。攝提轉而。屈子乘鸞。單開達而。賈生賦鵬。雖運

會之偶然。抑生民之無祿。夫執袂揅揅。笑言晏晏。別子蒼溪。是假聚散。昭

昭白日。香香長夜。祭子實憤。是真代謝。胡哀山之嫡孫。不兩載其就。姜廣

微已矣。子又繼之。予既爲天下痛。又於爾家庭之私。而哭之悲。大道之行。老

老切切。母不哭子。老不哭少。夫何鶴髮之親。連送二男之根。此子所以長

嗟而永悼也。雖然。朋友之誼。死生不分。昔之所欲講焉。而未定者。今說子

子不知。昔之所欲辯焉。而不力者。今呼子子不聞。嗚呼。天乎。盍起之死。而

細與商論乎。斯文。尚馨。元文類。勝安上。祭硯。司業先生文。至元己丑十

有二月某日。門生。國子博士。滕安上。謹遣子羽。以清酌庶羞之真。致祭于

司業先生硯公之靈。士之文章。與世。行隆。百年以來。南北不同。惟公。述作。

有精其中。學者。師之。知所。適從。士之。志操。與齒。盛衰。一生之間。終始。自遠。

惟公抱負。白首不移。學者仰之。得其表儀。於戲。教授東垣。淵淵乎經義之學。司業成均。表表乎忠孝之教。其起之暮也。固非淺淺之可議。其去之果也。又非庸庸之可效。公之歸老。猶振頽波。遽云逝矣。為之奈何。八十雖壽。在公匪多。聞公易箦。了然不亂。平生之守。於此益見。自公之歸。予寐見之。况於水訣。無復見期。一官萬人。送不及尸。千里致奠。寓哀一詞。

永樂大典卷之一萬四千四十六

重錄總校官侍郎臣高拱

學士臣豐素淳

分校官編修臣張四維

書寫儒士臣陳海

園燕監生臣畢三留

臣傅道立